

תהלים

19	18	17	16	15	14	13	12	11	10	9	8	7	6	5	4	3	2	1
38	37	36	35	34	33	32	31	30	29	28	27	26	25	24	23	22	21	20
57	56	55	54	53	52	51	50	49	48	47	46	45	44	43	42	41	40	39
76	75	74	73	72	71	70	69	68	67	66	65	64	63	62	61	60	59	58
95	94	93	92	91	90	89	88	87	86	85	84	83	82	81	80	79	78	77
114	113	112	111	110	109	108	107	106	105	104	103	102	101	100	99	98	97	96
133	132	131	130	129	128	127	126	125	124	123	122	121	120	119	118	117	116	115
150	149	148	147	146	145	144	143	142	141	140	139	138	137	136	135	134		

הפרק 1

אשרי האיש אשר לא הלך בעצת רשעים ובדרך חטאים לא עמד ובמושב לצים לא ישב¹
כי אם בתורת יהוה חפצו ובתורתו יהגה יומם ולילה²
והיה כעץ שתול על פלגי מים אשר פריו יתן בעתו ועלהו לא יבול וכל אשר יעשה יצליח³
לא כן הרשעים כי אם כמץ אשר תדפנו רוח⁴
על כן לא יקמו רשעים במשפט וחטאים בעדת צדיקים⁵
כי יודע יהוה דרך צדיקים ודרך רשעים תאבד⁶

הפרק 2

למה רגשו גוים ולאמים יהגו ריק¹
יתיצבו מלכי ארץ ורוזנים נוסדו יחד על יהוה ועל משיחו²
ננתקה את מוסרותימו ונשליכה ממנו עבתימו³
יושב בשמים ישחק אדני ילעג למו⁴
אז ידבר אלימו באפו ובחרונו יבהלמו⁵
ואני נסכתי מלכי על ציון הר קדש⁶
אספרה אל חק יהוה אמר אלי בני אתה אני היום ילדתיך⁷
שאל ממני ואתנה גוים נחלתך ואחזתך אפסי ארץ⁸
תרעם בשבט ברזל ככלי יוצר תנפצם⁹
ועתה מלכים השכילו הוסרו שפטי ארץ¹⁰
עבדו את יהוה ביראה וגילו ברעד¹¹
נשקו בר פן יאנף ותאבדו דרך כי יבער כמעט אפו אשרי כל חוסי בו¹²

הפרק 3

מזמור לדוד בברחו מפני אבשלום בנו יהוה מה רבו צרי רבים קמים עלי:
²רבים אמרים לנפשי אין ישועתה לו באלהים סלה
³ואתה יהוה מגן בעדי כבודי ומרים ראשי:
⁴קולי אל יהוה אקרא ויענני מהר קדשו סלה
⁵אני שכבתי ואישנה הקיצותי כי יהוה יסמכני:
⁶לא אירא מרובות עם אשר סביב שתו עלי:
⁷קומה יהוה הושיעני אלהי כי הכית את כל איבי לחי שני רשעים שברת
⁸ליהוה הישועה על עמך ברכתך סלה

הפרק 4

למנצח בנגינות מזמור לדוד בקראי ענני אלהי צדקי בצר הרחבת לי חנני ושמע תפילתי:
²בני איש עד מה כבודי לכלמה תאהבון ריק תבקשו כזב סלה
³ודעו כי הפלה יהוה חסיד לו יהוה ישמע בקראי אליו
⁴רגזו ואל תחטאו אמרו בלבבכם על משכבכם ודמו סלה
⁵זבחו זבחי צדק ובטחו אל יהוה
⁶רבים אמרים מי יראנו טוב נסה עלינו אור פניך יהוה
⁷נתתה שמחה בלבי מעת דגנם ותירושם רבו
⁸בשלום יחדו אשכבה ואישן כי אתה יהוה לבדד לבטח תושיבני:

הפרק 5

למנצח אל הנחילות מזמור לדוד אמרי האזינה יהוה בינה הגיגי:
²הקשיבה לקול שועי מלכי ואלהי כי אליך אתפלל
³יהוה בקר תשמע קולי בקר אערך לך ואצפה
⁴כי לא אל חפץ רשע אתה לא יגרך רע
⁵לא יתיצבו הוללים לנגד עיניך שנאת כל פעלי און
⁶תאבד דברי כזב איש דמים ומרמה יתעב יהוה
⁷ואני ברב חסדך אבוא ביתך אשתחוה אל היכל קדשך ביראתך:
⁸יהוה נחני בצדקתך למען שוררי הושר לפני דרכך:
⁹כי אין בפיהו נכונה קרבם הוות קבר פתוח גרונם לשונם יחליקון
¹⁰האשימם אלהים יפלו ממעצותיהם ברב פשעיהם הדיחמו כי מרו בך
¹¹וישמחו כל חוסי בך לעולם ירגנו ותסך עלימו ויעלצו בך אהבי שמך
¹²כי אתה תברך צדיק יהוה כצנה רצון תעטרנו

הפרק 6

למנצח בנגינות על השמינית מזמור לדוד יהוה אל באפך תוכיחני ואל בחמתך תיסרני:
²חנני יהוה כי אמלל אני רפאני יהוה כי נבהלו עצמי:
³ונפשי נבהלה מאד ואת יהוה עד מת:
⁴שובה יהוה חלצה נפשי הושיעני למען חסדך:
⁵כי אין במות זכרך בשאול מי יודה לך:

⁶ יגעתי באנחותי אשחה בכל לילה מטתי בדמעותי ערשי אמסה
⁷ עששה מכעס עיני עתקה בכל צורי:
⁸ סורו ממני כל פעלי און כי שמע יהוה קול בכי:
⁹ שמע יהוה תחנוני יהוה תפלתי יקח
¹⁰ יבשו ויבהלו מאד כל איבי ישובו יבשו רגע

הפרק 7

ש גיון לדוד אשר שר ליהוה על דברי כוש בן ימיני יהוה אלהי בך חסיתי הושיעני מכל רדפי והצילני:
² פן יטרף כאריה נפשי פרק ואין מציל
³ יהוה אלהי אם עשיתי זאת אם יש עול בכפי:
⁴ אם גמלתי שולמי רע ואחלצה צוררי ריקם
⁵ ירדף אויב נפשי וישג וירמס לארץ חיי וכבודי לעפר ישכן סלה
⁶ קומה יהוה באפך הנשא בעברות צוררי ועורה אלי משפט צוית
⁷ ועדת לאמים תסובבך ועליה למרום שובה
⁸ יהוה ידין עמים שפטני יהוה כצדקי וכתמי עלי:
⁹ יגמר נא רע רשעים ותכונן צדיק ובחן לבות וכליות אלהים צדיק
¹⁰ מגני על אלהים מושיע ישרי לב
¹¹ אלהים שופט צדיק ואל זעם בכל יום
¹² אם לא ישוב חרבו ילטוש קשתו דרך ויכוננה
¹³ וְלוֹ הָכִין כְּלֵי מוֹת חֲצִיו לְדֹלְקִים יַפְעַל
¹⁴ הִנֵּה יַחְבֵּל אֹן וְהָרָה עֵמֶל וְיִלְד שִׁקָּה
¹⁵ בֹּר כֹּרָה וַיַּחְפְּרֶהּ וַיַּפֵּל בַּשַּׁחַת יַפְעַל
¹⁶ יָשׁוּב עֵמֶל וַיַּרְאשׁוּ וְעַל קִדְקְדוֹ חֲמָסוֹ יִרְדּוּ
¹⁷ אֹדָה יְהוָה כַּצְדָּקוֹ וְאִזְמֶרָה שֵׁם יְהוָה עֲלִיוֹן

הפרק 8

ל מנצח על הגתית מזמור לדוד יהוה אדנינו מה אדיר שמך בכל הארץ אשר תנה הודך על השמים
² מפי עוללים וינקים יסדת עז למען צורריך להשבית אויב ומתנקם
³ כי אראה שמך מעשי אצבעתיך ירח וכוכבים אשר כוננתה
⁴ מה אנוש כי תזכרנו ובן אדם כי תפקדנו
⁵ ותחסרהו מעט מאלהים וכבוד והדר תעטרהו
⁶ תמשילהו במעשי ידיך כל שתה תחת רגליו
⁷ צנה ואלפים כלם וגם בהמות שדי:
⁸ צפור שמים ודגי הים עבר ארחות ימים
⁹ יהוה אדנינו מה אדיר שמך בכל הארץ

הפרק 9

ל מנצח עלמות לבן מזמור לדוד אודה יהוה בכל לבי אספרה כל נפלאותיך
² אשמחה ואעלצה בך אזמרה שמך עליון
³ בשוב אויבי אחור יכשלו ויאבדו מפניך

⁴כי עשית משפטי ודיני ישבת לכסא שופט צדק
⁵גערת גוים אבדת רשע שמם מחית לעולם ועד
⁶האויב תמו חרבות לנצח וערים נתשת אבד זכרם המה
⁷ויהוה לעולם ישב כונן למשפט כסאו
⁸והוא ישפט תבל בצדק ידין לאמים במישרים
⁹ויהי יהוה משגב לדרך משגב לעתות בצרה
¹⁰ויבטחו בך יודעי שמך כי לא עזבת דרשיך יהוה
¹¹זמרו ליהוה ישב ציון הגידו בעמים עלילותיו
¹²כי דרש דמים אותם זכר לא שכח צעקת עניים
¹³חננני יהוה ראה עניי משנאי מרוממי משערי מות
¹⁴למען אספרה כל תהלתיך בשערי בת ציון אגילה בישועתך
¹⁵טבעו גוים בשחת עשו ברשת זו טמנו נלכדה רגלם
¹⁶נודע יהוה משפט עשה בפעל כפיו נוקש רשע הגיון סלה
¹⁷ישובו רשעים לשאולה כל גוים שכחי אלהים
¹⁸כי לא לנצח ישכח אביון תקות ענוים תאבד לעד
¹⁹קומה יהוה אל יעז אנוש ישפטו גוים על פניך
²⁰שיתה יהוה מורה להם ידעו גוים אנוש המה סלה

הפרק 10

למה יהוה תעמד ברחוק תעלים לעתות בצרה
²בגאות רשע ידלק עני יתפשו במזמות זו חשבו
³כי הלל רשע על תאות נפשו ובצע ברך נאץ יהוה
⁴רשע כגבה אפו בל ידרש אין אלהים כל מזמותיו
⁵יחילו דרכו בכל עת מרום משפטיך מנגדו כל צורריו יפיח בהם
⁶אמר בלבו בל אמוט לדר ודר אשר לא ברע
⁷אלה פיהו מלא ומרמות ותך תחת לשונו עמל ואון
⁸ישב במארב חצרים במסתרים יהרג נקי עיניו לחלכה יצפנו
⁹יארב במסתר כאריה בסכה יארב לחטוף עני יחטף עני במשכו ברשתו
¹⁰ודכה ישח ונפל בעצומיו חלכאים
¹¹אמר בלבו שכח אל הסתיר פניו בל ראה לנצח
¹²קומה יהוה אל נשא ירך אל תשכח עניים
¹³על מה נאץ רשע אלהים אמר בלבו לא תדרש
¹⁴ראתה כי אתה עמל וכעס תביט לתת בידך עליך יעזב חלכה יתום אתה היית עוזר
¹⁵שבר זרוע רשע ורע תדרוש רשעו בל תמצא
¹⁶יהוה מלך עולם ועד אבדו גוים מארצו
¹⁷תאות ענוים שמעת יהוה תכין לבם תקשיב אזנך
¹⁸לשפט יתום ודרך בל יוסיף עוד לערץ אנוש מן הארץ

הפרק 11

למנצח לדוד ביהוה חסיתי איך תאמרו לנפשי נודו הרכם צפוח
²כי הנה הרשעים ידרכון קשת כוננו חצם על יתר לירות במו אפל לישרי לב
³כי השתות יהרסון צדיק מה פעל
⁴יהוה בהיכל קדשו יהוה בשמים כסאו עיניו יחזו עפעפיו יבחנו בני אדם
⁵יהוה צדיק יבחן ורשע ואהב חמס שנאה נפשו
⁶ימטר על רשעים פחים אש וגפרית ורוח זלעפות מנת כוסם
⁷כי צדיק יהוה צדקות אהב ישר יחזו פנימו

הפרק 12

למנצח על השמינית מזמור לדוד הושיעה יהוה כי גמר חסיד כי פסו אמונים מבני אדם
²שוא ידברו איש את רעהו שפת חלקות בלב ולב ידברו
³יכרת יהוה כל שפתי חלקות לשון מדברת גדלות
⁴אשר אמרו ללשננו נגביר שפתינו אתנו מי אדון לנו
⁵משד עניים מאנקת אביונים עתה אקום יאמר יהוה אשית בישע יפיח לו
⁶אמרות יהוה אמרות טהרות כסף צרוף בעליל לארץ מזקק שבעתים
⁷אתה יהוה תשמרם תצרנו מן הדור זו לעולם
⁸סביב רשעים יתהלכון כרם זלות לבני אדם

הפרק 13

למנצח מזמור לדוד עד אנה יהוה תשכחני נצח עד אנה תסתיר את פניך ממני:
²עד אנה אשית עצות בנפשי יגון בלבבי יומם עד אנה ירום איבי עלי:
³הביטה ענני יהוה אלהי האירה עיני פן אישן המות
⁴פן יאמר איבי יכלתיו צרי יגילו כי אמוט
⁵ואני בחסדך בטחתי יגל לבי בישועתך
⁶אשירה ליהוה כי גמל עלי:

הפרק 14

למנצח לדוד אמר נבל בלבו אין אלהים השחיתו התעיבו עלילה אין עשה טוב
²יהוה משמים השקיף על בני אדם לראות היש משכיל דרש את אלהים
³הכל סר יחדו נאלחו אין עשה טוב אין גם אחד:
⁴הלא ידעו כל פעלי און אכלי עמי אכלו לחם יהוה לא קראו
⁵שם פחדו פחד כי אלהים בדור צדיק
⁶עצת עני תבישו כי יהוה מחסהו
⁷מי יתן מציון ישועת ישראל בשוב יהוה שבות עמו יגל יעקב ישמח ישראל

הפרק 15

מזמור לדוד יהוה מי יגור באהלך מי ישכן בהר קדשך¹
הולך תמים ופעל צדק ודבר אמת בלבבו²
לא רגל על לשנו לא עשה לרעהו רעה וחרפה לא נשא על קרבו³
נבזה בעיניו נמאס ואת יראי יהוה יכבד נשבע להרע ולא ימה⁴
כספו לא נתן בנשך ושחד על נקי לא לקח עשה אלה לא ימוט לעולם⁵

הפרק 16

מכתם לדוד שמרני אל כי חסיתי בך¹
אמרת ליהוה אדני אתה טובתי בל עליך²
לקדושים אשר בארץ המה ואדירי כל חפצי בם³
ירבו עצבותם אחר מהרו בל אסיך נסכיהם מדם ובל אשא את שמותם על שפתי⁴
יהוה מנת חלקי וכוסי אתה תומיך גורלי⁵
חבלים נפלו לי בנעמים אף נחלת שפרה עלי⁶
אברך את יהוה אשר יעצני אף לילות יסרוני כליותי⁷
שויתי יהוה לנגדי תמיד כי מימיני בל אמוט⁸
לכן שמח לבי ויגל כבודי אף בשרי ישכן לבטח⁹
כי לא תעזב נפשי לשאול לא תתן חסידך לראות שחת¹⁰
תודיעני ארח חיים שבע שמחות את פניך נעמות בימינך נצח¹¹

הפרק 17

תפלה לדוד שמעה יהוה צדק הקשיבה רנתי האזינה תפלתי בלא שפתי מרמה¹
מלפניך משפטי יצא עיניך תחזינה מישרים²
בחנת לבי פקדת לילה צרפתי בל תמצא זמתי בל יעבר פי³
לפעלות אדם בדבר שפתיך אני שמרתי ארחות פריץ⁴
תמך אשרי במעגלותיך בל נמוטו פעמי⁵
אני קראתיך כי תענני אל הט אזנך לי שמע אמרתי⁶
הפלה חסדיך מושיע חוסים ממתקוממים בימינך⁷
שמרני כאישון בת עין בצל כנפיך תסתירני⁸
מפני רשעים זו שדוני איבי בנפש יקיפו עלי⁹
חלבמו סגרו פימו דברו בגאות¹⁰
אשרינו עתה סבבוני עיניהם ישיתו לנטות בארץ¹¹
דמינו כאריה יכסוף לטרוף וככפיר ישב במסתרים¹²
קומה יהוה קדמה פניו הכריעהו פלטה נפשי מרשע חרבך¹³
ממתים ידך יהוה ממתים מחלד חלקם בחיים וצפינך תמלא בטנם ישבעו בנים והניחו יתרים¹⁴
לעולליהם
אני בצדק אחזה פניך אשבעה בהקיץ תמונתך¹⁵

הפרק 18

מנצח לעבד יהוה לדוד אשר דבר ליהוה את דברי השירה הזאת ביום הציל יהוה אותו מכף כל איביו ומיד שאול ויאמר ארחמך יהוה חזקי!
²יהוה סלעי ומצודתי ומפלטי אלי צורי אחסה בו מגני וקרן ישעי משגבי!
³מהלל אקרא יהוה ומן איבי אושע
⁴אפפוני חבלי מות ונחלי בליעל יבעתוני!
⁵חבלי שאול סבבוני קדמוני מוקשי מות
⁶בצר לי אקרא יהוה ואל אלהי אשוע ישמע מהיכלו קולי ושועתי לפניו תבוא באזניו
⁷ותגעש ותרעש הארץ ומוסדי הרים ירגזו ויתגעשו כי חרה לו
⁸עלה עשן באפו ואש מפיו תאכל גחלים בערו ממנו
⁹ויט שמים וירד וערפל תחת רגליו
¹⁰וירכב על כרוב ויעף וידא על כנפי רוח
¹¹ישת חשך סתרו סביבותיו סכתו חשכת מים עבי שחקים
¹²מנגה נגדו עביו עברו ברד וגחלי אש
¹³וירעם בשמים יהוה ועליון יתן קלו ברד וגחלי אש
¹⁴וישלח חציו ויפיצם וברקים רב ויהמם
¹⁵ויראו אפיקי מים ויגלו מוסדות תבל מגערתך יהוה מנשמת רוח אפך
¹⁶ישלח ממרום יקחני ימשיני ממים רבים
¹⁷יצילני מאיבי עז ומשנאי כי אמצו ממני!
¹⁸קדמוני ביום אידי ויהי יהוה למשען לי!
¹⁹ויוציאני למרחב יחלצני כי חפץ בי!
²⁰יגמלני יהוה כצדקי כבר ידי ישיב לי!
²¹כי שמרתי דרכי יהוה ולא רשעתי מאלה!
²²כי כל משפטיו לנגדי וחקתיו לא אסיר מני!
²³ואהי תמים עמו ואשתמר מעונו!
²⁴וישב יהוה לי כצדקי כבר ידי לנגד עיניו
²⁵עם חסיד תתחסד עם גבר תמים תתמם
²⁶עם נבר תתברר ועם עקש תתפתל
²⁷כי אתה עם עני תושיע ועינים רמות תשפיל
²⁸כי אתה תאיר נרי יהוה אלהי יגיה חשכי!
²⁹כי בך ארץ גדוד ובאלהי אדלג שוה
³⁰האל תמים דרכו אמרת יהוה צרופה מגן הוא לכל החסים בו
³¹כי מי אלוה מבלעדי יהוה ומי צור זולתי אלהינו
³²האל המאזרני חיל ויתן תמים דרכי!
³³משוה רגלי כאילות ועל במתי יעמידני!
³⁴מלמד ידי למלחמה ונחתה קשת נחושה זרועתי!
³⁵ותתן לי מגן ישעך וימינך תסעדני וענותך תרבני!
³⁶תרחיב צעדי תחתתי ולא מעדו קרסלי!
³⁷ארדוף אויבי ואשיגם ולא אשוב עד כלותם
³⁸אמחצם ולא יכלו קום יפלו תחת רגלי!
³⁹ותאזרני חיל למלחמה תכריע קמי תחתתי!
⁴⁰ואיבי נתתה לי ערף ומשנאי אצמיתם
⁴¹ישועו ואין מושיע על יהוה ולא ענם
⁴²ואשחקם כעפר על פני רוח כטיט חוצות אריקם

⁴³תפלטני מריבי עם תשימני לראש גוים עם לא ידעתי יעבדוני:
⁴⁴לשמע און ישמעו לי בני נכר יכחשו לי:
⁴⁵בני נכר יבלו ויחרגו ממסגרותיהם
⁴⁶חי יהוה וברוך צורי וירום אלוהי ישעי:
⁴⁷האל הנותן נקמות לי וידבר עמים תחת:
⁴⁸מפלטי מאיבי אף מן קמי תרוממני מאיש חמס תצילני:
⁴⁹על כן אודך בגוים יהוה ולשמך אזמרה
⁵⁰מגדל ישועות מלכו ועשה חסד למשיחו לדוד ולזרעו עד עולם

הפרק 19

למנצח מזמור לדוד השמים מספרים כבוד אל ומעשה ידיו מגיד הרקיע
²יום ליום יביע אמר ולילה ללילה יחזה דעת
³אין אמר ואין דברים בלי נשמע קולם
⁴בכל הארץ יצא קום ובקצה תבל מליהם לשמש שם אהל בהם
⁵והוא כחתן יצא מחפתו ישיש כגבור לרוץ ארח
⁶מקצה השמים מוצאו ותקופתו על קצותם ואין נסתר מחמתו
⁷תורת יהוה תמימה משיבת נפש עדות יהוה נאמנה מחכימת פת:
⁸פקודי יהוה ישרים משמחי לב מצות יהוה ברה מאירת עינים
⁹יראת יהוה טהורה עומדת לעד משפטי יהוה אמת צדקו יחדו
¹⁰הנחמדים מזהב ומפז רב ומתוקים מדבש ונפת צופים
¹¹גם עבדך נזהר בהם בשמרם עקב רב
¹²שגיאיות מי יבין מנסתרות נקני:
¹³גם מזדים חשך עבדך אל ימשלו בי אז איתם ונקיתי מפשע רב
¹⁴יהיו לרצון אמרי פי והגיון לבי לפניך יהוה צורי וגאלי:

הפרק 20

למנצח מזמור לדוד יענך יהוה ביום צרה ישגבך שם אלהי יעקב
²ישלח עזרך מקדש ומציון יסעדך:
³יזכר כל מנחתך ועולתך ידשנה סלח
⁴יתן לך כלבבך וכל עצתך ימלא
⁵נרננה בישועתך ובשם אלהינו נדגל ימלא יהוה כל משאלותיך:
⁶עתה ידעתי כי הושיע יהוה משיחו יענהו משמי קדשו בגברות ישע ימינו
⁷אלה ברכב ואלה בסוסים ואנחנו בשם יהוה אלהינו נזכיר
⁸המה כרעו ונפלו ואנחנו קמנו ונתעודד:
⁹יהוה הושיעה המלך יעננו ביום קראנו

הפרק 21

למנצח מזמור לדוד יהוה בעזך ישמח מלך ובישועתך מה יגיל מאד:
²תאות לבו נתתה לו וארשת שפתיו בל מנעת סלח
³כי תקדמנו ברכות טוב תשית לראשו עטרת פז

⁴חיים שאל ממך נתתה לו ארך ימים עולם ועד:
⁵גדול כבודו בישועתך הוד והדר תשועה עליו
⁶כי תשיתו ברכות לעד תחדהו בשמחה את פניך:
⁷כי המלך בטח ביהוה ובחסד עליון בל ימוט
⁸תמצא ידך לכל איביך ימינך תמצא שנאיך:
⁹תשיתמו כתנור אש לעת פניך יהוה באפו יבלעם ותאכלם אש
¹⁰פרימו מארץ תאבד וזרעם מבני אדם
¹¹כי נטו עליך רעה חשבו מזמה בל יוכלו
¹²כי תשיתמו שכם במיתריך תכונן על פניהם
¹³רומה יהוה בעזך נשירה ונזמרה גבורתך:

הפרק 22

למנצח על אילת השחר מזמור לדוד אלי אלי למה עזבתני רחוק מישועתי דברי שאגתי:
²אלהי אקרא יומם ולא תענה ולילה ולא דומיה לי:
³ואתה קדוש יושב תהלות ישראל
⁴בך בטחו אבותינו בטחו ותפלטמו
⁵אליך זעקו ונמלטו בך בטחו ולא בושו
⁶ואנכי תולעת ולא איש חרפת אדם ובזוי עם
⁷כל ראי ילעגו לי יפטירו בשפה יניעו ראש
⁸גל אל יהוה יפלטוהו יצילוהו כי חפץ בו
⁹כי אתה גחמי מבטן מבטיחי על שדי אמי:
¹⁰עליך השלכתי מרחם מבטן אמי אלי אתה
¹¹אל תרחק ממני כי צרה קרובה כי אין עוזי:
¹²סבבוני פרים רבים אבירי בשן כתרונ!
¹³פצו עלי פיהם אריה טרף ושאג
¹⁴כמים נשפכתי והתפרדו כל עצמותי היה לבי כדונג נמס בתוך מעי:
¹⁵יבש כחרש כחי ולשוני מדבק מלקוחי ולעפר מות תשפתני:
¹⁶כי סבבוני כלבים עדת מרעים הקיפוני כארי ידי ורגלי:
¹⁷אספר כל עצמותי המה יביטו יראו בי:
¹⁸יחלקו בגדי להם ועל לבושי יפילו גורל
¹⁹ואתה יהוה אל תרחק אילותי לעזרתי חושח
²⁰הצילה מחרב נפשי מיד כלב יחידתי:
²¹הושיעני מפי אריה ומקרני רמים עניתני:
²²אספרה שמך לאחי בתוך קהל אהללך:
²³יראי יהוה הללוהו כל זרע יעקב כבדוהו וגורו ממנו כל זרע ישראל
²⁴כי לא בזה ולא שקץ ענות עני ולא הסתיר פניו ממנו ובשועו אליו שמע
²⁵מאתך תהלתי בקהל רב נדרי אשלם נגד יראיו
²⁶יאכלו ענוים וישבעו יהללו יהוה דרשיו יחי לבבכם לעד:
²⁷יזכרו וישבו אל יהוה כל אפסי ארץ וישתחוו לפניך כל משפחות גוים
²⁸כי ליהוה המלוכה ומשל בגוים

²⁹אכלו וישתחוו כל דשני ארץ לפניו יכרעו כל יורדי עפר ונפשו לא חיה

³⁰זרע יעבדנו יספר לאדני לדור

³¹יבאו ויגידו צדקתו לעם נולד כי עשה

הפרק 23

מזמור לדוד יהוה רעי לא אחסר

²בנאות דשא ירביצני על מי מנחות ינהלני

³נפשי ישובב ינחני במעגלי צדק למען שמו

⁴גם כי אלך בגיא צלמות לא אירא רע כי אתה עמדי שבטך ומשענתך המה ינחמני

⁵תערך לפני שלחן נגד צררי דשנת בשמן ראשי כוסי רויה

⁶אך טוב וחסד ירדפוני כל ימי חיי ושבתני בבית יהוה לארך ימים

הפרק 24

לדוד מזמור ליהוה הארץ ומלואה תבל וישבי בה

²כי הוא על ימים יסדה ועל נהרות יכוננח

³מי יעלה בהר יהוה ומי יקום במקום קדשו

⁴נקי כפים ובר לבב אשר לא נשא לשוא נפשי ולא נשבע למרמה

⁵ישא ברכה מאת יהוה וצדקה מאלהי ישעו

⁶זה דור דרשו מבקשי פניך יעקב סלה

⁷שאו שערים ראשיכם והנשאו פתחי עולם ויבוא מלך הכבוד

⁸מי זה מלך הכבוד יהוה עוז וגבור יהוה גבור מלחמה

⁹שאו שערים ראשיכם ושאו פתחי עולם ויבא מלך הכבוד

¹⁰מי הוא זה מלך הכבוד יהוה צבאות הוא מלך הכבוד סלה

הפרק 25

לדוד אליך יהוה נפשי אשא

²אלהי בך בטחתי אל אבושה אל יעלצו איבי לי

³גם כל קוֹיך לא יבשו יבשו הבוגדים ריקם

⁴דרכיך יהוה הודיעני ארחותיך למדני

⁵הדריכני באמתך ולמדני כי אתה אלהי ישעי אותך קויתי כל היום

⁶זכר רחמיך יהוה וחסדיך כי מעולם המה

⁷חטאות נעורי ופשעי אל תזכר כחסדך זכר לי אתה למען טובך יהוה

⁸טוב וישר יהוה על כן יורה חטאים בדרך

⁹ידרך ענוים במשפט וילמד ענוים דרכו

¹⁰כל ארחות יהוה חסד ואמת לנצרי בריתו ועדתיו

¹¹למען שמך יהוה וסלחת לעוני כי רב הוא

¹²מי זה האיש ירא יהוה יורנו בדרך יבחה

¹³נפשו בטוב תלין וזרעו יירש ארץ

¹⁴סוד יהוה ליראיו ובריתו להודיעם

¹⁵עיני תמיד אל יהוה כי הוא יוציא מרשת רגלי

¹⁶פנה אלי וחנני כי יחיד ועני אני!
¹⁷צרות לבבי הרחיבו ממצוקותי הוציאני!
¹⁸ראה עניי ועמלי ושא לכל חטאות!
¹⁹ראה אויבי כי רבו ושנאת חמס שנאוני!
²⁰שמרה נפשי והצילני אל אבוש כי חסיתי בך
²¹תם וישר יצרוני כי קויתיך
²²פדה אלהים את ישראל מכל צרותיו

הפרק 26

לדוד שפטני יהוה כי אני בתמי הלכתי וביהוה בטחתי לא אמעז:
²בחנני יהוה ונסני צרופה כליותי ולב!
³כי חסדך לנגד עיני והתהלכתי באמתך
⁴לא ישבתי עם מתי שוא ועם נעלמים לא אבוא
⁵שנאתי קהל מרעים ועם רשעים לא אשב
⁶ארחץ בנקיון כפי ואסבבה את מזבחך יהוה
⁷לשמע בקול תודה ולספר כל נפלאותיך
⁸יהוה אהבתי מעון ביתך ומקום משכן כבודך
⁹אל תאסף עם חטאים נפשי ועם אנשי דמים חיי!
¹⁰אשר בידיהם זמה וימינם מלאה שחד
¹¹ואני בתמי אלך פדני וחנני!
¹²רגלי עמדה במישור במקהלים אברך יהוה

הפרק 27

לדוד יהוה אורי וישעי ממי אירא יהוה מעוז חיי ממי אפחד:
²בקרב עלי מרעים לאכל את בשרי צרי ואיבי לי המה כשלו ונפלו
³אם תחנה עלי מחנה לא יירא לבי אם תקום עלי מלחמה בזאת אני בוטח
⁴אחת שאלתי מאת יהוה אותה אבקש שבתי בבית יהוה כל ימי חיי לחזות בנעם יהוה ולבקר בהיכלו
⁵כי יצפנני בסכה ביום רעה יסתרני בסתר אהליו בצור ירוממני!
⁶ועתה ירום ראשי על איבי סביבותי ואזבחה באהליו זבחי תרועה אשירה ואזמרה ליהוה
⁷שמע יהוה קולי אקרא וחנני וענני!
⁸לך אמר לבי בקשו פני את פניך יהוה אבקש
⁹אל תסתר פניך ממני אל תט באף עבדך עזרתי היית אל תטשני ואל תעזבני אלהי ישעי!
¹⁰כי אבי ואמי עזבוני ויהוה יאספני!
¹¹הורני יהוה דרכך ונחני בארח מישור למען שוררי!
¹²אל תתנני בנפש צרי כי קמו בי עדי שקר ויפח חמס
¹³לולא האמנתי לראות בטוב יהוה בארץ חיים
¹⁴קוה אל יהוה חזק ויאמץ לך וקוה אל יהוה

הפרק 28

לדוד אליך יהוה אקרא צורי אל תחרש ממני פן תחשה ממני ונמשלתי עם יורדי בור¹
²שמע קול תחנוני בשועי אליך בנשאי ידי אל דביר קדשך
³אל תמשכני עם רשעים ועם פעלי און דברי שלום עם רעיהם ורעה בלבבם
⁴תן להם כפעלם וכרע מעלליהם כמעשה ידיהם תן להם השב גמולם להם
⁵כי לא יבינו אל פעלת יהוה ואל מעשה ידיו יחרסם ולא יבנם
⁶ברוך יהוה כי שמע קול תחנוני
⁷יהוה עזי ומגני בו בטח לבי ונעזרתי ויעלז לבי ומשירי אהודנו
⁸יהוה עז למו ומעוז ישועות משיחו הוא
⁹הושיעה את עמך וברך את נחלתך ורעם ונשאם עד העולם

הפרק 29

מזמור לדוד הבו ליהוה בני אלים הבו ליהוה כבוד ועז¹
²הבו ליהוה כבוד שמו השתחוּו ליהוה בהדרת קדש
³קול יהוה על המים אל הכבוד הרעים יהוה על מים רבים
⁴קול יהוה בכח קול יהוה בהדר
⁵קול יהוה שבר ארזים וישבר יהוה את ארזי הלבנון
⁶וירקידם כמו עגל לבנון ושרין כמו בן ראמים
⁷קול יהוה חצב להבות אש
⁸קול יהוה יחיל מדבר יחיל יהוה מדבר קדש
⁹קול יהוה יחולל אילות ויחשף יערות ובהיכלו כלו אמר כבוד
¹⁰יהוה למבול ישב וישב יהוה מלך לעולם
¹¹יהוה עז לעמו יתן יהוה יברך את עמו בשלום

הפרק 30

מזמור שיר חנכת הבית לדוד ארוממך יהוה כי דליתני ולא שמחת איבי לי¹
²יהוה אלהי שועתי אליך ותרפאני
³יהוה העלית מן שאול נפשי חייתני מיורדי בור
⁴זמרו ליהוה חסידיו והודו לזכר קדשו
⁵כי רגע באפו חיים ברצונו בערב ילין בכי ולבקר רנח
⁶ואני אמרתי בשלוי בל אמוט לעולם
⁷יהוה ברצונך העמדתה להררי עז הסתרת פניך הייתי נבהל
⁸אליך יהוה אקרא ואל אדני אתחנן
⁹מה בצע בדמי ברדתי אל שחת היודך עפר היגיד אמתך
¹⁰שמע יהוה וחנוני יהוה היה עזר לי
¹¹הפכת מספדי למחול לי פתחת שקי ותאזרני שמחה
¹²למען יזמרך כבוד ולא ידם יהוה אלהי לעולם אודך

הפרק 31

למנצח מזמור לדוד בך יהוה חסיתי אל אבושה לעולם בצדקתך פלטני!
²הטה אלי אזנך מהרה הצילני היה לי לצור מעוז לבית מצודות להושיעני!
³כי סלעי ומצודתי אתה ולמען שמך תנחני ותנהלני!
⁴תוציאני מרשת זו טמנו לי כי אתה מעוז!
⁵בידך אפקיד רוחי פדיתה אותי יהוה אל אמת
⁶שנאתי השמרים הבלי שוא ואני אל יהוה בטחתי!
⁷אגילה ואשמחה בחסדך אשר ראית את עניי ידעת בצרות נפשי!
⁸ולא הסגרתני ביד אויב העמדת במרחב רגלי!
⁹חנני יהוה כי צר לי עששה בכעס עיני נפשי ובטני!
¹⁰כי כלו ביגון חיי ושנותי באנחה כשל בעוני כחי ועצמי עששו
¹¹מכל צררי הייתי חרפה ולשכני מאד ופחד למידעי ראי בחוץ נדדו ממני!
¹²נשכחתי כמת מלב הייתי ככלי אבד
¹³כי שמעתי דבת רבים מגור מסביב בהוסדם יחד עלי לקחת נפשי זממו
¹⁴ואני עליך בטחתי יהוה אמרתי אלהי אתה
¹⁵בידך עתתי הצילני מיד אויבי ומרדפי!
¹⁶האירה פניך על עבדך הושיעני בחסדך
¹⁷יהוה אל אבושה כי קראתיך יבשו רשעים ידמו לשאול
¹⁸תאלמנה שפתי שקר הדברות על צדיק עתק בגאווה ובז
¹⁹מה רב טובך אשר צפנת ליראיך פעלת לחסים בך נגד בני אדם
²⁰תסתירם בסתר פניך מרכסי איש תצפנם בסכה מריב לשנות
²¹ברוך יהוה כי הפליא חסדו לי בעיר מצוה
²²ואני אמרתי בחפזי נגרזתי מנגד עיניך אכן שמעת קול תחנוני בשועי אליך
²³אהבו את יהוה כל חסידיו אמונים נצר יהוה ומשלם על יתר עשה גאווה
²⁴חזקו ויאמץ לבבכם כל המיחלים ליהוה

הפרק 32

לדוד משכיל אשרי נשוי פשע כסוי חטאה
²אשרי אדם לא יחשב יהוה לו עון ואין ברוחו רמיה
³כי החרשתי בלו עצמי בשאגתי כל היום
⁴כי יומם ולילה תכבד עלי ידך נהפך לשדי בחרבני קיץ סלה
⁵חטאתי אודיעך ועוני לא כסיתי אמרתי אודה עלי פשעי ליהוה ואתה נשאת עון חטאתי סלה
⁶על זאת יתפלל כל חסיד אליך לעת מצא רק לשטף מים רבים אליו לא יגיעו
⁷אתה סתר לי מצר תצרני רני פלט תסובבני סלה
⁸אשכילך ואורך בדרך זו תלך איעצה עליך עיני!
⁹אל תהיו כסוס כפרד אין הבין במתג ורסן עדיו לבלום בל קרב אליך
¹⁰רבים מכאובים לרשע והבוטח ביהוה חסד יסובבנו
¹¹שמחו ביהוה וגילו צדיקים והרנינו כל ישרי לב

הפרק 33

רנו צדיקים ביהוה לישרים נאווה תהלה
²הודו ליהוה בכנור בנבל עשור זמרו לו
³שירו לו שיר חדש היטיבו נגן בתרועה
⁴כי ישר דבר יהוה וכל מעשהו באמונה
⁵אהב צדקה ומשפט חסד יהוה מלאה הארץ
⁶בדבר יהוה שמים נעשו וברוח פיו כל צבאם
⁷כנס כנוד מי הים נתן באצרות תהומות
⁸ייראו מיהוה כל הארץ ממנו יגורו כל ישרי תבל
⁹כי הוא אמר ויהי הוא צוה ויעמד
¹⁰יהוה הפיר עצת גוים הניא מחשבות עמים
¹¹עצת יהוה לעולם תעמד מחשבות לבו לדר ודה
¹²אשרי הגוי אשר יהוה אלהיו העם בחר לנחלה לו
¹³משמים הביט יהוה ראה את כל בני האדם
¹⁴ממכון שבתו השגיח אל כל ישרי הארץ
¹⁵היצר יחד לבם המבין אל כל מעשיהם
¹⁶אין המלך נושע ברב חיל גבור לא ינצל ברב כח
¹⁷שקר הסוס לתשועה וברב חילו לא ימלט
¹⁸הנה עין יהוה אל יראיו למיחלים לחסדו
¹⁹להציל ממות נפשם ולחיותם ברעב
²⁰נפשנו חכתה ליהוה עזרנו ומגננו הוא
²¹כי בו ישמח לבנו כי בשם קדשו בטחנו
²²יהי חסדך יהוה עלינו כאשר יחלנו לך

הפרק 34

לדוד בשנותו את טעמו לפני אבימלך ויגרשוהו וילך אברכה את יהוה בכל עת תמיד תהלתו בפי
²ביהוה תתהלל נפשי ישמעו ענוים וישמחו
³גדלו ליהוה אתי ונרוממה שמו יחדו
⁴דרשתי את יהוה וענני ומכל מגורותי הצילני
⁵הביטו אליו ונהרו ופניהם אל יחפרו
⁶זה עני קרא ויהוה שמע ומכל צרותיו הושיעו
⁷חנה מלאך יהוה סביב ליראיו ויחלצם
⁸טעמו וראו כי טוב יהוה אשרי הגבר יחסה בו
⁹יראו את יהוה קדשיו כי אין מחסור ליראיו
¹⁰כפירים רשו ורעבו ודרשי יהוה לא יחסרו כל טוב
¹¹לכו בנים שמעו לי יראת יהוה אלמדכם
¹²מי האיש החפץ חיים אהב ימים לראות טוב
¹³נצר לשונך מרע ושפתיך מדבר מרמה
¹⁴סור מרע ועשה טוב בקש שלום ורדפהו
¹⁵עיני יהוה אל צדיקים ואזניו אל שועתם
¹⁶פני יהוה בעשי רע להכרית מארץ זכרם
¹⁷צעקו ויהוה שמע ומכל צרותם הצילם
¹⁸קרוב יהוה לנשברי לב ואת דכאי רוח יושיע

¹⁹ רבות רעות צדיק ומכלם יצילנו יהוה
²⁰ שמר כל עצמותיו אחת מהנה לא נשברה
²¹ תמותת רשע רעה ושנאי צדיק יאשמו
²² פודה יהוה נפש עבדיו ולא יאשמו כל החסים בו

הפרק 35

ל דוד ריבה יהוה את יריבי לחם את לחמי:
² החזק מגן וצנה וקומה בעזרת:
³ והרק חנית וסגר לקראת רדפי אמר לנפשי ישעתך אני:
⁴ יבשו ויכלמו מבקשי נפשי יסגו אחור ויחפרו חשבי רעתי:
⁵ יהיו כמץ לפני רוח ומלאך יהוה דוחה
⁶ יהי דרכם חשך וחלקלקות ומלאך יהוה רדפם
⁷ כי חנם טמנו לי שחת רשתם חנם חפרו לנפשי:
⁸ תבואהו שואה לא ידע ורשתו אשר טמן תלכדו בשואה יפל בה
⁹ ונפשי תגיל ביהוה תשיש בישועתו
¹⁰ כל עצמותי תאמרנה יהוה מי כמוך מציל עני מחזק ממנו ועני ואביון מגזלו
¹¹ יקומון עדי חמס אשר לא ידעתי ישאלוני:
¹² ישלמוני רעה תחת טובה שכול לנפשי:
¹³ ואני בחלותם לבושי שק עניתי בצום נפשי ותפלתי על חיקי תשוב
¹⁴ כרע כאח לי התהלכתי כאבל אם קדר שחות:
¹⁵ ובצלעי שמחו ונאספו נאספו עלי נכים ולא ידעתי קרעו ולא דמו
¹⁶ בחנפי לעגי מעוג חרק עלי שנימו
¹⁷ אדני כמה תראה השיבה נפשי משאיהם מכפירים יחידתי:
¹⁸ אודך בקהל רב בעם עצום אהללך:
¹⁹ אל ישמחו לי איבי שקר שנאי חנם יקרצו עין
²⁰ כי לא שלום ידברו ועל רגעי ארץ דברי מרמות יחשבו
²¹ וירחיבו עלי פיהם אמרו האח האח ראתה עינינו
²² ראיתה יהוה אל תחרש אדני אל תרחק ממני:
²³ העירה והקיצה למשפטי אלהי ואדני לריבי:
²⁴ שפטני כצדק יהוה אלהי ואל ישמחו לי:
²⁵ אל יאמרו בלבם האח נפשנו אל יאמרו בלענוהו
²⁶ יבשו ויחפרו יחדו שמחי רעתי ילבשו בשת וכלמה המגדילים עלי:
²⁷ ירנו וישמחו חפצי צדקי ויאמרו תמיד יגדל יהוה החפץ שלום עבדו
²⁸ ולשוני תהגה צדקך כל היום תהלתך

הפרק 36

ל מנצח לעבד יהוה לדוד נאם פשע לרשע בקרב לבי אין פחד אלהים לנגד עיניו
² כי החליק אליו בעיניו למצא עונו לשנא
³ דברי פיו און ומרמה חדל להשכיל להיטיב
⁴ און יחשב על משכבו יתיצב על דרך לא טוב רע לא ימאס
⁵ יהוה בהשמים חסדך אמונתך עד שחקים

⁶צדקתך כהררי אל משפטך תהום רבה אדם ובהמה תושיע יהוה
⁷מה יקר חסדך אלהים ובני אדם בצל כנפך יחסיון
⁸ירוין מדשן ביתך ונחל עדניך תשקם
⁹כי עמך מקור חיים באורך נראה אוה
¹⁰משך חסדך לידעיך וצדקתך לישרי לב
¹¹אל תבואני רגל גאווה ויד רשעים אל תנדני
¹²שם נפלו פעלי און דחו ולא יכלו קום

הפרק 37

לדוד אל תתחר במרעים אל תקנא בעשי עולח
²כי כחציר מהרה ימלו וכירק דשא יבולון
³בטח ביהוה ועשה טוב שכן ארץ ורעה אמונה
⁴והתענג על יהוה ויתן לך משאלת לבך
⁵גול על יהוה דרכך ובטח עליו והוא יעשה
⁶והוציא כאור צדקך ומשפטך כצהרים
⁷דום ליהוה והתחולל לו אל תתחר במצליח דרכו באיש עשה מזמות
⁸הרף מאף ועזב חמה אל תתחר אך להרע
⁹כי מרעים יכרתון וקוי יהוה המה יירשו ארץ
¹⁰ועוד מעט ואין רשע והתבוננת על מקומו ואיננו
¹¹וענוים יירשו ארץ והתענגו על רב שלום
¹²זמם רשע לצדיק וחרק עליו שניו
¹³אדני ישחק לו כי ראה כי יבא יומו
¹⁴חרב פתחו רשעים ודרכו קשתם להפיל עני ואביון לטבוח ישרי דרך
¹⁵חרבם תבוא בלבם וקשתותם תשברנה
¹⁶טוב מעט לצדיק מהמון רשעים רבים
¹⁷כי זרועות רשעים תשברנה וסומך צדיקים יהוה
¹⁸יודע יהוה ימי תמימם ונחלתם לעולם תהיה
¹⁹לא יבשו בעת רעה ובימי רעבון ישבעו
²⁰כי רשעים יאבדו ואיבי יהוה כיקר כרים כלו בעשן כלו
²¹לוה רשע ולא ישלם וצדיק חונן ונותן
²²כי מברכיו יירשו ארץ ומקלליו יכרתו
²³מיהוה מצעדי גבר כוננו ודרכו יחפץ
²⁴כי יפל לא יוטל כי יהוה סומך ידו
²⁵נער הייתי גם זקנתי ולא ראיתי צדיק נעזב וזרעו מבקש לחם
²⁶כל היום חונן ומלוה וזרעו לברכה
²⁷סור מרע ועשה טוב ושכן לעולם
²⁸כי יהוה אהב משפט ולא יעזב את חסידיו לעולם נשמרו וזרע רשעים נכרת
²⁹צדיקים יירשו ארץ וישכנו לעד עליה
³⁰פי צדיק יהגה חכמה ולשונו תדבר משפט
³¹תורת אלהיו בלבו לא תמעד אשריו
³²צופה רשע לצדיק ומבקש להמיתו
³³יהוה לא יעזבנו בידו ולא ירשיענו בהשפטו

³⁴קוה אל יהוה ושמר דרכו וירוממך לרשת ארץ בהכרת רשעים תראה
³⁵ראיתי רשע עריץ ומתערה כאזרח רענן
³⁶ויעבר והנה איננו ואבקשהו ולא נמצא
³⁷שמר תם וראה ישר כי אחרית לאיש שלום
³⁸ופשעים נשמדו יחדו אחרית רשעים נכרתה
³⁹ותשועת צדיקים מיהוה מעוזם בעת צרה
⁴⁰ויעזרם יהוה ויפלטם מפלטם מרשעים ויושיעם כי חסו בו

הפרק 38

מזמור לדוד להזכיר יהוה אל בקצפך תוכיחני ובחמתך תיסרני:
²כי חציך נחתו בי ותנחת עלי ידך
³אין מתם בבשרי מפני זעמך אין שלום בעצמי מפני חטאתי:
⁴כי עונתי עברו ראשי כמשא כבד יכבדו ממני:
⁵הבאישו נמקו חבורתי מפני אולתי:
⁶נעויתי שחתי עד מאד כל היום קדר הלכתי:
⁷כי כסלי מלאו נקלה ואין מתם בבשרי:
⁸נפוגותי ונדכיתי עד מאד שאגתי מנהמת לבי:
⁹אדני נגדך כל תאותי ואנחתני ממך לא נסתרח
¹⁰לבי סחרחר עזבני כחי ואור עיני גם הם אין אתי:
¹¹אהבי ורעי מנגד נגעי יעמדו וקרובי מרחק עמדו
¹²וינקשו מבקשי נפשי ודרשי רעתי דברו והוות ומרמות כל היום יהגו
¹³ואני כחרש לא אשמע וכאלם לא יפתח פיו
¹⁴ואהי כאיש אשר לא שמע ואין בפיו תוכחות
¹⁵כי לך יהוה הוחלתי אתה תענה אדני אלהי:
¹⁶כי אמרתי פן ישמחו לי במוט רגלי עלי הגדילו
¹⁷כי אני לצלע נכון ומכאובי נגדי תמיד:
¹⁸כי עוני אגיד אדאג מחטאתי:
¹⁹ואיבי חיים עצמו ורבו שנאי שקר
²⁰ומשלמי רעה תחת טובה ישטנוני תחת רדופי טוב
²¹אל תעזבני יהוה אלהי אל תרחק ממני:
²²חושה לעזרתי אדני תשועת:

הפרק 39

למנצח לידיתון מזמור לדוד אמרתי אשמרה דרכי מחטוא בלשוני אשמרה לפי מחסום בעד רשע
לנגדי:
²נאלמתי דומיה החשיתי מטוב וכאבי נעכה
³חם לבי בקרבי בהגיגי תבער אש דברתי בלשוני:
⁴הודיעני יהוה קצי ומדת ימי מה היא אדעה מה חדל אני:
⁵הנה טפחות נתתה ימי וחלדי כאין נגדך אך כל הבל כל אדם נצב סלה
⁶אך בצלם יתהלך איש אך הבל יהמיון יצבר ולא ידע מי אספם
⁷ועתה מה קויתי אדני תוחלתי לך היא

⁸מכל פשעי הצילני חרפת נבל אל תשימני!
⁹נאלמתי לא אפתח פי כי אתה עשית
¹⁰הסר מעלי נגעך מתגרת ידך אני כליתי!
¹¹בתוכחות על עון יסרת איש ותמס כעש חמודו אך הבל כל אדם סלה
¹²שמעה תפלתי יהוה ושועתי האזינה אל דמעתי אל תחרש כי גר אנכי עמך תושב ככל אבותי!
¹³השע ממני ואבליגה בטרם אלך ואינני

הפרק 40

למנצח לדוד מזמור קוה קויתי יהוה ויט אלי וישמע שועתי!
²ויעלני מבור שאון מטיט היון ויקם על סלע רגלי כונן אשרי!
³ויתן בפי שיר חדש תהלה לאלהינו יראו רבים וייראו ויבטחו ביהוה
⁴אשרי הגבר אשר שם יהוה מבטחו ולא פנה אל רהבים ושטי כזב
⁵רבות עשית אתה יהוה אלהי נפלאתיך ומחשבתך אלינו אין ערך אליך אגידה ואדברה עצמו מספר
⁶זבח ומנחה לא חפצת אזנים כרית לי עולה וחטאה לא שאלת
⁷אז אמרתי הנה באתי במגלת ספר כתוב עלי!
⁸לעשות רצונך אלהי חפצתי ותורתך בתוך מעי!
⁹בשרתי צדק בקהל רב הנה שפתי לא אכלא יהוה אתה ידעת
¹⁰צדקתך לא כסיתי בתוך לבי אמונתך ותשועתך אמרתי לא כחדתי חסדך ואמתך לקהל רב
¹¹אתה יהוה לא תכלא רחמיך ממני חסדך ואמתך תמיד יצרוני!
¹²כי אפפו עלי רעות עד אין מספר השיגוני עונתי ולא יכלתי לראות עצמו משערות ראשי ולבי עזבני!
¹³רצה יהוה להצילני יהוה לעזרתי חושח
¹⁴יבשו ויחפרו יחד מבקשי נפשי לספותה יסגו אחור ויכלמו חפצי רעתי!
¹⁵שמו על עקב בשתם האמרים לי האח האח
¹⁶ישישו וישמחו בך כל מבקשיך יאמרו תמיד יגדל יהוה אהבי תשועתך
¹⁷ואני עני ואביון אדני יחשב לי עזרתי ומפלטי אתה אלהי אל תאחר

הפרק 41

למנצח מזמור לדוד אשרי משכיל אל דל ביום רעה ימלטהו יהוה
²יהוה ישמרהו ויחיהו יאשר בארץ ואל תתנהו בנפש איביו
³יהוה יסעדנו על ערש דוי כל משכבו הפכת בחליו
⁴אני אמרתי יהוה חנני רפאה נפשי כי חטאתי לך
⁵אויבי יאמרו רע לי מתי ימות ואבד שמו
⁶ואם בא לראות שוא ידבר לבו יקבץ און לו יצא לחוץ ידבר
⁷יחד עלי יתלחשו כל שנאי עלי יחשבו רעה לי!
⁸דבר בליעל יצוק בו ואשר שכב לא יוסיף לקום
⁹גם איש שלומי אשר בטחתי בו אוכל לחמי הגדיל עלי עקב
¹⁰ואתה יהוה חנני והקימני ואשלמה להם
¹¹בזאת ידעתי כי חפצת בי כי לא יריע איבי עלי!
¹²ואני בתמי תמכת בי ותציבני לפניך לעולם
¹³ברוך יהוה אלהי ישראל מהעולם ועד העולם אמן ואמן

הפרק 42

למנצח משכיל לבני קרח כאיל תערג על אפיקי מים כן נפשי תערג אליך אלהים¹
צמאה נפשי לאלהים לאל חי מתי אבוא ואראה פני אלהים²
היתה לי דמעת ללחם יומם ולילה באמר אלי כל היום איה אלהיך³
אלה אזכרה ואשפכה עלי נפשי כי אעבר בסך אדדם עד בית אלהים בקול רנה ותודה המון חוגג⁴
מה תשתוחחי נפשי ותהמי עלי הוחילי לאלהים כי עוד אודנו ישועות פניו⁵
אלהי עלי נפשי תשתוחח על כן אזכרך מארץ ירדן וחרמונים מהר מצעה⁶
תהום אל תהום קורא לקול צנורך כל משבריך וגליך עלי עברו⁷
יומם יצוה יהוה חסדו ובלילה שירה עמי תפלה לאל חי!⁸
אומרה לאל סלעי למה שכחתני למה קדר אלך בלחץ אויב⁹
ברצח בעצמותי חרפוני צוררי באמרם אלי כל היום איה אלהיך¹⁰
מה תשתוחחי נפשי ומה תהמי עלי הוחילי לאלהים כי עוד אודנו ישועות פני ואלה!¹¹

הפרק 43

שפטני אלהים וריבה ריבי מגוי לא חסיד מאיש מרמה ועולה תפלטני!
כי אתה אלהי מעוזי למה זנחתני למה קדר אתהלך בלחץ אויב²
שלח אורך ואמתך המה ינחוני יביאוני אל הר קדשך ואל משכנותיך³
ואבואה אל מזבח אלהים אל אל שמחת גילי ואודך בכנור אלהים אלה!⁴
מה תשתוחחי נפשי ומה תהמי עלי הוחילי לאלהים כי עוד אודנו ישועות פני ואלה!⁵

הפרק 44

למנצח משכיל אלהים באזנינו שמענו אבותינו ספרו לנו פעל פעלת בימיהם בימי קדם
אתה ידך גוים הורשת ותטעם תרע לאמים ותשלחם²
כי לא בחרבם ירשו ארץ זרועם לא הושיעה למו כי ימינך זרועך ואור פניך כי רציתם³
אתה הוא מלכי אלהים צוה ישועות יעקב⁴
בך צרינו ננגח בשמך נבוס קמינו⁵
כי לא בקשתי אבטח וחרבי לא תושיעני!⁶
כי הושעתנו מצרינו ומשנאינו הבישות⁷
באלהים הללנו כל היום ושמך לעולם נודה סלה⁸
אף זנחת ותכלימנו ולא תצא בצבאותינו⁹
תשיבנו אחור מני צר ומשנאינו שסו למו¹⁰
תתננו כצאן מאכל ובגוים זריתנו¹¹
תמכר עמך בלא הון ולא רבית במחיריהם¹²
תשימנו חרפה לשכנינו לעג וקלס לסביבותינו¹³
תשימנו משל בגוים מנוד ראש בל אמים¹⁴
כל היום כלמתי נגדי ובשת פני כסתני!¹⁵
מקול מחרף ומגדף מפני אויב ומתנקם¹⁶
כל זאת באתנו ולא שכחנוך ולא שקרנו בבריתך¹⁷
לא נסוג אחור לבנו ותט אשרינו מני ארחך¹⁸
כי דכיתנו במקום תנים ותכס עלינו בצלמות¹⁹

²⁰אם שכחנו שם אלהינו ונפרש כפינו לאל זה
²¹הלא אלהים יחקר זאת כי הוא ידע תעלמות לב
²²כי עליך הרגנו כל היום נחשבנו כצאן טבח
²³עורה למה תישן אדני הקיצה אל תזנח לנצח
²⁴למה פניך תסתיר תשכח ענינו ולחצנו
²⁵כי שחה לעפר נפשנו דבקה לארץ בטנו
²⁶קומה עזרתה לנו ופדנו למען חסדך

הפרק 45

למנצח על ששנים לבני קרח משכיל שיר ידידת רחש לבי דבר טוב אמר אני מעשי למלך לשוני עט סופר מהיה
²יפיפית מבני אדם הוצק חן בשפתותיך על כן ברכך אלהים לעולם
³חגור חרבך על ירך גבור הודך והדרך
⁴והדרך צלח רכב על דבר אמת וענוה צדק ותורך נוראות ימינך
⁵חציך שנונים עמים תחתך יפלו בלב אויבי המלך
⁶כסאך אלהים עולם ועד שבט מישר שבט מלכותך
⁷אהבת צדק ותשנא רשע על כן משחך אלהים אלך שמן ששון מחברך
⁸מר ואהלות קציעות כל בגדתיך מן היכלי שן מני שמחוך
⁹בנות מלכים ביקרותיך נצבה שגל לימינך בכתם אופיה
¹⁰שמעי בת וראי והטי אזנך ושכחי עמך ובית אבך
¹¹ויתאו המלך יפך כי הוא אדניך והשתחוי לו
¹²ובת צר במנחה פניך יחלו עשירי עם
¹³כל כבודה בת מלך פנימה ממשבצות זהב לבושה
¹⁴לרקמות תובל למלך בתולות אחריה רעותיה מובאות לך
¹⁵תובלנה בשמחת וגיל תבאינה בהיכל מלך
¹⁶תחת אבתיך יהיו בניך תשיתמו לשרים בכל הארץ
¹⁷אזכירה שמך בכל דר ודר על כן עמים יהודך לעלם ועד

הפרק 46

למנצח לבני קרח על עלמות שיר אלהים לנו מחסה ועז עזרה בצרות נמצא מאד
²על כן לא נירא בהמיר ארץ ובמוט הרים בלב ימים
³יהמו יחמרו מימיו ירעשו הרים בגאותו סלה
⁴נהר פלגיו ישמחו עיר אלהים קדש משכני עליון
⁵אלהים בקרבה בל תמוט יעזרה אלהים לפנות בקר
⁶המו גוים מטו ממלכות נתן בקולו תמוג ארץ
⁷יהוה צבאות עמנו משגב לנו אלהי יעקב סלה
⁸לכו חזו מפעלות יהוה אשר שם שמות בארץ
⁹משבית מלחמות עד קצה הארץ קשת ישבר וקצץ חנית עגלות ישרף באש
¹⁰הרפו ודעו כי אנכי אלהים ארום בגוים ארום בארץ
¹¹יהוה צבאות עמנו משגב לנו אלהי יעקב סלה

הפרק 47

למנצח לבני קרח מזמור כל העמים תקעו כף הריעו לאלהים בקול רנה¹
²כי יהוה עליון נורא מלך גדול על כל הארץ
³ידבר עמים תחתינו ולאמים תחת רגלינו
⁴יבחר לנו את נחלתנו את גאון יעקב אשר אהב סלה
⁵עלה אלהים בתרועה יהוה בקול שופר
⁶זמרו אלהים זמרו זמרו למלכנו זמרו
⁷כי מלך כל הארץ אלהים זמרו משכיל
⁸מלך אלהים על גוים אלהים ישב על כסא קדשו
⁹נדיבי עמים נאספו עם אלהי אברהם כי לאלהים מגני ארץ מאד נעלה

הפרק 48

שיר מזמור לבני קרח גדול יהוה ומהלל מאד בעיר אלהינו הר קדשו¹
²יפה נוף משוש כל הארץ הר ציון ירכתי צפון קרית מלך רב
³אלהים בארמנותיה נודע למשגב
⁴כי הנה המלכים נועדו עברו יחדו
⁵המה ראו כן תמהו נבהלו נחפזו
⁶רעדה אחזתם שם חיל כיולדה
⁷ברוח קדים תשבר אניות תרשיש
⁸כאשר שמענו כן ראינו בעיר יהוה צבאות בעיר אלהינו אלהים יכוננה עד עולם סלה
⁹דמינו אלהים חסדך בקרב היכלך
¹⁰כשמך אלהים כן תהלתך על קצוי ארץ צדק מלאה ימינך
¹¹ישמח הר ציון תגלנה בנות יהודה למען משפטיך
¹²סבו ציון והקיפופה ספרו מגדליה
¹³שיתו לבכם לחילה פסגו ארמנותיה למען תספרו לדור אחרון
¹⁴כי זה אלהים אלהינו עולם ועד הוא ינהגנו על מות

הפרק 49

למנצח לבני קרח מזמור שמעו זאת כל העמים האזינו כל יושבי חלד¹
²גם בני אדם גם בני איש יחד עשיר ואביון
³פי ידבר חכמות והגות לבי תבונות
⁴אטה למשל אזני אפתח בכנור חידתי
⁵למה אירא בימי רע עון עקבי יסובני
⁶הבטחים על חילם וברב עשרם יתהללו
⁷אח לא פדה יפדה איש לא יתן לאלהים כפרו
⁸ויקר פדיון נפשם וחדל לעולם
⁹ויחי עוד לנצח לא יראה השחת
¹⁰כי יראה חכמים ימותו יחד כסיל ובער יאבדו ועזבו לאחרים חילם
¹¹קרבתם בתימו לעולם משכנתם לדר ודר קראו בשמותם עלי אדמות
¹²ואדם ביקר בל ילין נמשל כבהמות נדמו

¹³ זה דרכם כסל למו ואחריהם בפייהם ירצו סלה
¹⁴ כצאן לשאול שתו מות ירעם וירדו בם ישרים לבקר וצירים לבלות שאול מזבל לו
¹⁵ אך אלהים יפדה נפשי מיד שאול כי יקחני סלה
¹⁶ אל תירא כי יעשר איש כי ירבה כבוד ביתו
¹⁷ כי לא במותו יקח הכל לא ירד אחריו כבודו
¹⁸ כי נפשו בחייו יברך ויודך כי תיטיב לך
¹⁹ תבוא עד דור אבותיו עד נצח לא יראו אוה
²⁰ אדם ביקר ולא יבין נמשל כבהמות נדמו

הפרק 50

מזמור לאסף אל אלהים יהוה דבר ויקרא ארץ ממזרח שמש עד מבאו
² מציון מכלל יפי אלהים הופיע
³ יבא אלהינו ואל יחרש אש לפניו תאכל וסביביו נשערה מאד
⁴ יקרא אל השמים מעל ואל הארץ לדין עמו
⁵ אספו לי חסידי כרתי בריתי עלי זבח
⁶ ויגידו שמים צדקו כי אלהים שפט הוא סלה
⁷ שמעה עמי ואדברה ישראל ואעידה בך אלהים אלהיך אנכי
⁸ לא על זבחיך אוכיחך ועולתיך לנגדי תמיד
⁹ לא אקח מביתך פר ממכלאתיך עתודים
¹⁰ כי לי כל חיתו יער בהמות בהררי אלף
¹¹ ידעתי כל עוף הרים וזיז שדי עמד
¹² אם ארעב לא אמר לך כי לי תבל ומלאה
¹³ האוכל בשר אבירים ודם עתודים אשתה
¹⁴ זבח לאלהים תודה ושלם לעליון נדריך
¹⁵ וקראני ביום צרה אחלצך ותכבדני
¹⁶ ולרשע אמר אלהים מה לך לספר חקי ותשא בריתי עלי פיך
¹⁷ ואתה שנאת מוסר ותשלך דברי אחרים
¹⁸ אם ראית גנב ותרץ עמו ועם מנאפים חלקך
¹⁹ פיך שלחת ברעה ולשונך תצמיד מרמה
²⁰ תשב באחריך תדבר בבן אמך תתן דפי
²¹ אלה עשית והחרשתי דמית היות אהיה כמוך אוכיחך ואערכה לעיניך
²² בינו נא זאת שכחי אלוה פן אטרף ואין מציל
²³ זבח תודה יכבדני ושם דרך אראנו בישע אלהים

הפרק 51

למנצח מזמור לדוד בבוא אליו נתן הנביא כאשר בא אל בת שבע חנני אלהים כחסדך כרב רחמין
מחה פשע
² הרבה כבסני מעוני ומחטאתי טהרני
³ כי פשעי אני אדע וחטאתי נגדי תמיד
⁴ לך לבדך חטאתי והרע בעיניך עשיתי למען תצדק בדברך תזכה בשפטך
⁵ הן בעוון חוללתי ובחטא יחמתני אמי

⁶הן אמת חפצת בטחות ובסתם חכמה תודיענ!
⁷תחטאני באזוב ואטהר תכבסני ומשלג אלבין
⁸תשמיעני ששון ושמחה תגלנה עצמות דכית
⁹הסתר פניך מחטאי וכל עונתי מחח
¹⁰לב טהור ברא לי אלהים ורוח נכון חדש בקרבי!
¹¹אל תשליכני מלפניך ורוח קדשך אל תקח ממני!
¹²השיבה לי ששון ישעך ורוח נדיבה תסמכני!
¹³אלמדה פשעים דרכיך וחטאים אליך ישובו
¹⁴הצילני מדמים אלהים אלהי תשועתי תרנן לשוני צדקתך
¹⁵אדני שפתי תפתח ופי יגיד תהלתך
¹⁶כי לא תחפץ זבח ואתנה עולה לא תרצח
¹⁷זבחי אלהים רוח נשברה לב נשבר ונדכה אלהים לא תבזו
¹⁸היטיבה ברצונך את ציון תבנה חומות ירושלם
¹⁹אז תחפץ זבחי צדק עולה וכליל אז יעלו על מזבחך פרים

הפרק 52

למנצח משכיל לדוד בבוא דואג האדמי ויגד לשאול ויאמר לו בא דוד אל בית אחימלך מה תתהלל
ברעה הגבור חסד אל כל היום
²הוות תחשב לשונך כתער מלטש עשה רמיה
³אהבת רע מטוב שקר מדבר צדק סלח
⁴אהבת כל דברי בלע לשון מרמה
⁵גם אל יתצך לנצח יחתך ויסחך מאהל ושרשך מארץ חיים סלח
⁶ויראו צדיקים וייראו ועליו ישחקו
⁷הנה הגבר לא ישים אלהים מעוזו ויבטח ברב עשרו יעז בהותו
⁸ואני כזית רענן בבית אלהים בטחתי בחסד אלהים עולם ועד
⁹אודך לעולם כי עשית ואקוה שמך כי טוב נגד חסידיך

הפרק 53

למנצח על מחלת משכיל לדוד אמר נבל בלבו אין אלהים השחיתו והתעיבו עול אין עשה טוב
²אלהים משמים השקיף על בני אדם לראות היש משכיל דרש את אלהים
³כלו סג יחדו נאלחו אין עשה טוב אין גם אחד
⁴הלא ידעו פעלי און אכלי עמי אכלו לחם אלהים לא קראו
⁵שם פחדו פחד לא היה פחד כי אלהים פזר עצמות חנך הבשתה כי אלהים מאסם
⁶מי יתן מציון ישעות ישראל בשוב אלהים שבות עמו יגל יעקב ישמח ישראל

הפרק 54

למנצח בנגינת משכיל לדוד בבוא הזיפים ויאמרו לשאול הלא דוד מסתתר עמנו אלהים בשמך
הושיעני ובגבורתך תדינני!
²אלהים שמע תפלתי האזינה לאמרי פי!
³כי זרים קמו עלי ועריצים בקשו נפשי לא שמו אלהים לנגדם סלח

⁴הנה אלהים עזר לי אדני בסמכי נפשי!
⁵ישוב הרע לשררי באמתך הצמיתם
⁶בנדבה אזבחה לך אודה שמך יהוה כי טוב
⁷כי מכל צרה הצילני ובאיבי ראתה עיני!

הפרק 55

למנצח בנגינת משכיל לדוד האזינה אלהים תפילתי ואל תתעלם מתחנותי!
²הקשיבה לי וענני אריד בשיחי ואהימה
³מקול אויב מפני עקת רשע כי ימיטו עלי און ובאף ישטמוני!
⁴לבי יחיל בקרבי ואימות מות נפלו עלי!
⁵יראה ורעד יבא בי ותכסני פלצות
⁶ואמר מי יתן לי אבר כיונה אעופה ואשכנח
⁷הנה ארחיק נדד אלין במדבר סלה
⁸אחישה מפלט לי מרוח סעה מסעה
⁹בלע אדני פלג לשונם כי ראיתי חמס וריב בעיה
¹⁰יומם ולילה יסובבה על חומתיה ואון ועמל בקרבה
¹¹הוות בקרבה ולא ימיש מרחבה תך ומרמה
¹²כי לא אויב יחרפני ואשא לא משנאי עלי הגדיל ואסתר ממנו
¹³ואתה אנוש כערכי אלופי ומידעי!
¹⁴אשר יחדו נמתיק סוד בבית אלהים נהלך ברגש
¹⁵ישימות עלימו ירדו שאול חיים כי רעות במגורם בקרבם
¹⁶אני אל אלהים אקרא ויהוה יושיעני!
¹⁷ערב ובקר וצהרים אשיחה ואהמה וישמע קולי!
¹⁸פדה בשלום נפשי מקרב לי כי ברבים היו עמדי!
¹⁹ישמע אל ויענם וישב קדם סלה אשר אין חליפות למו ולא יראו אלהים
²⁰שלח ידיו בשלמיו חלל בריתו
²¹חלקו מחמאת פיו וקרב לבו רכו דבריו משמן והמה פתחות
²²השלך על יהוה יהבך והוא יכלכלך לא יתן לעולם מוט לצדיק
²³ואתה אלהים תורדם לבאר שחת אנשי דמים ומרמה לא יחצו ימיהם ואני אבטח בך

הפרק 56

למנצח על יונת אלם רחקים לדוד מכתם באחז אתו פלשתים בגת חנני אלהים כי שאפני אנוש כל
היום לחם ילחצני!
²שאפו שוררי כל היום כי רבים לחמים לי מרום
³יום אירא אני אליך אבטח
⁴באלהים אהלל דברו באלהים בטחתי לא אירא מה יעשה בשר לי!
⁵כל היום דברי יעצבו עלי כל מחשבתם לרע
⁶יגורו יצפינו המה עקבי ישמרו כאשר קוו נפשי!
⁷על און פלט למו באף עמים הורד אלהים
⁸נדי ספרתה אתה שימה דמעתי בנאדך הלא בספרתך
⁹אז ישובו אויבי אחור ביום אקרא זה ידעתי כי אלהים לי!

¹⁰באלהים אהלל דבר ביהוה אהלל דבר:
¹¹באלהים בטחתי לא אירא מה יעשה אדם לי!
¹²עלי אלהים נדריך אשלם תודת לך:
¹³כי הצלת נפשי ממות הלא רגלי מדחי להתהלך לפני אלהים באור החיים

הפרק 57

למנצח אל תשחת לדוד מכתם בברחו מפני שאול במערה חנני אלהים חנני כי בך חסיה נפשי
ובצל כנפיך אחסה עד יעבר הוות
²אקרא לאלהים עליון לאל גמר עלי:
³ישלח משמים ויושיעני חרף שאפי סלה ישלח אלהים חסדו ואמתו
⁴נפשי בתוך לבאם אשכבה להטים בני אדם שניהם חנית וחצים ולשונם חרב חדח
⁵רומה על השמים אלהים על כל הארץ כבודך:
⁶רשת הכינו לפעמי כפף נפשי כרו לפני שיחה נפלו בתוכה סלה
⁷נכון לבי אלהים נכון לבי אשירה ואזמרה
⁸עורה כבודי עורה הנבל וכנור אעירה שחר
⁹אודך בעמים אדני אזמרך בל אמים
¹⁰כי גדל עד שמים חסדך ועד שחקים אמתך:
¹¹רומה על שמים אלהים על כל הארץ כבודך

הפרק 58

למנצח אל תשחת לדוד מכתם האמנם אלם צדק תדברון מישרים תשפטו בני אדם
²אף בלב עולת תפעלון בארץ חמס ידיכם תפלסון
³זרו רשעים מרחם תעו מבטן דברי כזב
⁴חמת למו כדמות חמת נחש כמו פתן חרש יאטם אזנו
⁵אשר לא ישמע לקול מלחשים חובר חברים מחכם
⁶אלהים הרס שנימו בפימו מלתעות כפירים נתץ יהוה
⁷ימאסו כמו מים יתהלכו למו ידרך חצו כמו יתמללו
⁸כמו שבלול תמס יהלך נפל אשת בל חזו שמש
⁹בטרם יבינו סירתים אטד כמו חי כמו חרון ישערנו
¹⁰ישמח צדיק כי חזה נקם פעמיו ירחץ בדם הרשע
¹¹ויאמר אדם אך פרי לצדיק אך יש אלהים שפטים בארץ

הפרק 59

למנצח אל תשחת לדוד מכתם בשלח שאול וישמרו את הבית להמיתו הצילני מאיבי אלהי
ממתקוממי תשגבני
²הצילני מפעלי און ומאנשי דמים הושיעני
³כי הנה ארבו לנפשי יגורו עלי עזים לא פשעי ולא חטאתי יהוה
⁴בלי עון ירוצון ויכוננו עורה לקראתי וראה
⁵ואתה יהוה אלהים צבאות אלהי ישראל הקיצה לפקד כל הגוים אל תחן כל בגדי און סלה
⁶ישובו לערב יהמו ככלב ויסובבו עי:

⁷הנה יביעון בפיהם חרבות בשפתותיהם כי מי שמע
⁸ואתה יהוה תשחק למו תלעג לכל גוים
⁹עזו אליך אשמרה כי אלהים משגב!
¹⁰אלהי חסדו יקדמני אלהים יראני בשרר!
¹¹אל תהרגם פן ישכחו עמי הניעמו בחילך והורידמו מגננו אדני!
¹²חטאת פימו דבר שפתימו וילכדו בגאונם ומאלה ומכחש יספרו
¹³כלה בחמה כלה ואינמו וידעו כי אלהים משל ביעקב לאפסי הארץ סלה
¹⁴וישובו לערב יהמו ככלב ויסובבו עיה
¹⁵המה ינועון לאכל אם לא ישבעו וילינו
¹⁶ואני אשיר עזך וארנן לבקר חסדך כי היית משגב לי ומנוס ביום צר לי!
¹⁷עזי אליך אזמרה כי אלהים משגב אלהי חסד!

הפרק 60

למנצח על שושן עדות מכתם לדוד ללמד בהצותו את ארם נהרים ואת ארם צובה וישב יואב ויך את אדום בגיא מלח שנים עשר אלף אלהים זנחתנו פרצתנו אנפת תשובב לנו
²הרעשתה ארץ פצמתה רפה שבריה כי מטה
³הראיתה עמך קשה השקיתנו יין תרעלה
⁴נתתה ליראיך נס להתנוסס מפני קשט סלה
⁵למען יחלצון ידידיך הושיעה ימינך ועננו
⁶אלהים דבר בקדשו אעלזה אחלקה שכם ועמק סכות אמדד:
⁷לי גלעד ולי מנשה ואפרים מעוז ראשי יהודה מחקק!
⁸מואב סיר רחצי על אדום אשליך נעלי עלי פלשת התרעע!
⁹מי יבלני עיר מצור מי נחני עד אדום
¹⁰הלא אתה אלהים זנחתנו ולא תצא אלהים בצבאותינו
¹¹הבה לנו עזרת מצר ושוא תשועת אדם
¹²באלהים נעשה חיל והוא יבוס צרינו

הפרק 61

למנצח על נגינת לדוד שמעה אלהים רנתי הקשיבה תפלת:
²מקצה הארץ אליך אקרא בעטף לבי בצור ירום ממני תנחני:
³כי היית מחסה לי מגדל עז מפני אויב
⁴אגורה באהלך עולמים אחסה בסתר כנפיק סלה
⁵כי אתה אלהים שמעת לנדרי נתת ירשת יראי שמך
⁶ימים על ימי מלך תוסיף שנותיו כמו דר ודה
⁷ישב עולם לפני אלהים חסד ואמת מן ינצרהו
⁸כן אזמרה שמך לעד לשלמי נדרי יום יום

הפרק 62

ל מנצח על ידותון מזמור לדוד אך אל אלהים דומיה נפשי ממנו ישועת:
²אך הוא צורי וישועתי משגבי לא אמוט רבה
³עד אנה תהותתו על איש תרצחו כלכם כקיר נטוי גדר הדחוי:
⁴אך משאתו יעצו להדיח ירצו כזב בפיו יברכו ובקרבים יקללו סלה
⁵אך לאלהים דומי נפשי כי ממנו תקות:
⁶אך הוא צורי וישועתי משגבי לא אמוט
⁷על אלהים ישעי וכבודי צור עזי מחסי באלהים
⁸בטחו בו בכל עת עם שפכו לפניו לבבכם אלהים מחסה לנו סלה
⁹אך הבל בני אדם כזב בני איש במאזנים לעלות המה מהבל יחד:
¹⁰אל תבטחו בעשק ובגזל אל תהבלו חיל כי ינוב אל תשיתו לב
¹¹אחת דבר אלהים שתים זו שמעתי כי עז לאלהים
¹²ולך אדני חסד כי אתה תשלם לאיש כמעשהו

הפרק 63

מזמור לדוד בהיותו במדבר יהודה אלהים אלי אתה אשחרך צמאה לך נפשי כמה לך בשרי בארץ
ציה ועיף בלי מים
²כן בקדש חזיתיך לראות עזך וכבודך
³כי טוב חסדך מחיים שפתי ישבחונך
⁴כן אברכך בחיי בשמך אשא כפי!
⁵כמו חלב ודשן תשבע נפשי ושפתי רננות יהלל פי!
⁶אם זכרתיך על יצועי באשמרות אהגה בך
⁷כי היית עזרתה לי ובצל כנפיך ארנן
⁸דבקה נפשי אחריך בי תמכה ימינך
⁹והמה לשואה יבקשו נפשי יבאו בתחתיות הארץ
¹⁰יגירוהו על ידי חרב מנת שעלים יהיו
¹¹והמלך ישמח באלהים יתהלל כל הנשבע בו כי יסכר פי דוברי שקר

הפרק 64

ל מנצח מזמור לדוד שמע אלהים קולי בשיחי מפחד אויב תצר חיי:
²תסתירני מסוד מרעים מרגשת פעלי און
³אשר שננו כחרב לשונם דרכו חצם דבר מה
⁴לירות במסתרים תם פתאם ירהו ולא ייראו
⁵יחזקו למו דבר רע יספרו לטמון מוקשים אמרו מי יראה למו
⁶יחפשו עולת תמנו חפש מחפש וקרב איש ולב עמק
⁷וירם אלהים חץ פתאום היו מכותם
⁸ויכשילוהו עלימו לשונם יתנדדו כל ראה במ
⁹וייראו כל אדם ויגידו פעל אלהים ומעשהו השכילו
¹⁰ישמח צדיק ביהוה וחסה בו ויתהללו כל ישרי לב

הפרק 65

ל מנצח מזמור לדוד שיר לך דמיה תהלה אלהים בציון ולך ישלם נדב
²שמע תפלה עדיך כל בשר יבאו
³דברי עונת גברו מני פשעינו אתה תכפרם
⁴אשרי תבחר ותקרב ישכן חצריך נשבעה בטוב ביתך קדש היכלך
⁵נוראות בצדק תעננו אלהי ישענו מבטח כל קצוי ארץ וים רחקים
⁶מכין הרים בכחו נאזר בגבורה
⁷משביח שאון ימים שאון גליהם והמון לאמים
⁸וייראו ישרי קצות מאותתיך מוצאי בקר וערב תרנין
⁹פקדת הארץ ותשקקה רבת תעשרנה פלג אלהים מלא מים תכין דגנם כי כן תכינה
¹⁰תלמיה רוח נחת גדודיה ברביבים תמגגנה צמחה תברך
¹¹עטרת שנת טובתך ומעגליך ירעפון דשן
¹²ירעפו נאות מדבר וגיל גבעות תחגרנה
¹³לבשו כרים הצאן ועמקים יעטפו בר יתרועעו אף ישירו

הפרק 66

ל מנצח שיר מזמור הריעו לאלהים כל הארץ
²זמרו כבוד שמו שימו כבוד תהלתו
³אמרו לאלהים מה נורא מעשיך ברב עזך יכחשו לך איביך
⁴כל הארץ ישתחוו לך ויזמרו לך יזמרו שמך סלה
⁵לכו וראו מפעלות אלהים נורא עלילה על בני אדם
⁶הפך ים ליבשה בנהר יעברו ברגל שם נשמחה בו
⁷משל בגבורתו עולם עיניו בגוים תצפינה הסוררים אל ירימו למו סלה
⁸ברכו עמים אלהינו והשמינו קול תהלתו
⁹השם נפשנו בחיים ולא נתן למוט רגלנו
¹⁰כי בחנתנו אלהים צרפתנו כצרף כסף
¹¹הבאתנו במצודה שמת מועקה במתנינו
¹²הרכבת אנוש לראשנו באנו באש ובמים ותוציאנו לרויה
¹³אבוא ביתך בעולות אשלם לך נדרי
¹⁴אשר פצו שפתי ודבר פי בצר לי
¹⁵עלות מחים אעלה לך עם קטרת אילים אעשה בקר עם עתודים סלה
¹⁶לכו שמעו ואספרה כל יראי אלהים אשר עשה לנפשי
¹⁷אליו פי קראתי ורומם תחת לשוני
¹⁸און אם ראיתי בלבי לא ישמע אדני
¹⁹אכן שמע אלהים הקשיב בקול תפלתי
²⁰ברוך אלהים אשר לא הסיר תפלתי וחסדו מאתי

הפרק 67

ל מנצח בנגינת מזמור שיר אלהים יחננו ויברכנו יאר פניו אתנו סלה
²לדעת בארץ דרך בכל גוים ישועתך
³יודוך עמים אלהים יודוך עמים כלם
⁴ישמחו וירננו לאמים כי תשפט עמים מישור ולאמים בארץ תנחם סלה

⁵ יודוך עמים אלהים יודוך עמים כלם

⁶ ארץ נתנה יבולה יברכנו אלהים אלהינו

⁷ יברכנו אלהים וייראו אתו כל אפסי ארץ

הפרק 68

ל מנצח לדוד מזמור שיר יקום אלהים יפוצו אויביו וינוסו משנאיו מפניו

² כהנדה עשן תנדה כהמס דונג מפני אש יאבדו רשעים מפני אלהים

³ וצדיקים ישמחו יעלצו לפני אלהים וישישו בשמחה

⁴ שירו לאלהים זמרו שמו סלו לרכב בערבות ביה שמו ועלזו לפניו

⁵ אבי יתומים ודין אלמנות אלהים במעון קדשו

⁶ אלהים מושיב יחידים ביתה מוציא אסירים בכושרות אך סוררים שכנו צחיחה

⁷ אלהים בצאתך לפני עמך בצעדך בישימון סלה

⁸ ארץ רעשה אף שמים נטפו מפני אלהים זה סיני מפני אלהים אלהי ישראל

⁹ גשם נדבות תניף אלהים נחלתך ונלאה אתה כוננתה

¹⁰ חיתך ישבו בה תכין בטובתך לעני אלהים

¹¹ אדני יתן אמר המבשרות צבא רב

¹² מלכי צבאות ידדון ונות בית תחלק שלל

¹³ אם תשכבון בין שפתים כנפי יונה נחפה בכסף ואברותיה בירקרק חרוץ

¹⁴ בפרש שדי מלכים בה תשלג בצלמון

¹⁵ הר אלהים הר בשן הר גבננים הר בשן

¹⁶ למה תרצדון הרים גבננים ההר חמד אלהים לשבתו אף יהוה ישכן לנצח

¹⁷ רכב אלהים רבתיים אלפי שנאן אדני במ סיני בקדש

¹⁸ עלית למרום שבית שבי לקחת מתנות באדם ואף סוררים לשכן יה אלהים

¹⁹ ברוך אדני יום יום יעמס לנו האל ישועתנו סלה

²⁰ האל לנו אל למושעות וליהוה אדני למות תוצאות

²¹ אך אלהים ימחץ ראש איביו קדקד שער מתהלך באשמי

²² אמר אדני מבשן אשיב אשיב ממצלות ים

²³ למען תמחץ רגלך בדם לשון כלבך מאיבים מנהו

²⁴ ראו הליכותיך אלהים הליכות אלי מלכי בקדש

²⁵ קדמו שרים אחר נגנים בתוך עלמות תופפות

²⁶ במקלות ברכו אלהים יהוה ממקור ישראל

²⁷ שם בנימן צעיר דם שרי יהודה רגמתם שרי זבלון שרי נפתלי

²⁸ צוה אלהיך עזר עוזה אלהים זו פעלת לנו

²⁹ מהיכלך על ירושלם לך יובילו מלכים שי

³⁰ גער חית קנה עדת אבירים בעגלי עמים מתרפס ברצי כסף בזר עמים קרבות יחפצו

³¹ יאתיו חשמנים מני מצרים כוש תריץ ידיו לאלהים

³² ממלכות הארץ שירו לאלהים זמרו אדני סלה

³³ לרכב בשמי שמי קדם הן יתן בקולו קול עז

³⁴ תנו עז לאלהים על ישראל גאותו ועזו בשחקים

³⁵ נורא אלהים ממקדשיך אל ישראל הוא נתן עז ותעצמות לעם ברוך אלהים

הפרק 69

למנצח על שושנים לדוד הושיעני אלהים כי באו מים עד נפש
²טבעתי ביון מצולה ואין מעמד באתי במעמקי מים ושבלת שטפתי!
³יגעתי בקראי נחר גרוני כלו עיני מיחל לאלה!
⁴רבו משערות ראשי שנאי חנם עצמו מצמיתי איבי שקר אשר לא גזלתי אז אשיב
⁵אלהים אתה ידעת לאולתי ואשמותי ממך לא נכחדו
⁶אל יבשו בי קוֹיךְ אדני יהוה צבאות אל יכלמו בי מבקשיך אלהי ישראל
⁷כי עליך נשאתי חרפה כסתה כלמה פני!
⁸מוזר הייתי לאחי ונכרי לבני אמי!
⁹כי קנאת ביתך אכלתני וחרפות חורפִיךְ נפלו עלי!
¹⁰ואבכה בצום נפשי ותהי לחרפות לי!
¹¹ואתנה לבושי שק ואהי להם למשל
¹²ישיחו בי יושבי שער ונגינות שותי שכר
¹³ואני תפלתי לך יהוה עת רצון אלהים ברב חסדך ענני באמת ישעך
¹⁴הצילני מטיט ואל אטבעה אנצלה משנאי וממעמקי מים
¹⁵אל תשטפני שבלת מים ואל תבלעני מצולה ואל תאטר עלי באר פיה
¹⁶ענני יהוה כי טוב חסדך כרב רחמיך פנה אלי!
¹⁷ואל תסתר פניך מעבדך כי צר לי מהר ענני!
¹⁸קרבה אל נפשי גאלה למען איבי פדני!
¹⁹אתה ידעת חרפתי ובשתי וכלמתי נגדך כל צוררי!
²⁰חרפה שברה לבי ואנושה ואקוה לנוד ואין ולמנחמים ולא מצאתי
²¹ויתנו בברותי ראש ולצמאי ישקוני חמץ
²²יהי שלחנם לפניהם לפח ולשלומים למוקש
²³תחשכנה עיניהם מראות ומתניהם תמיד המעד:
²⁴שפך עליהם זעמך וחרון אפך ישיגם
²⁵תהי טירתם נשמה באהליהם אל יהי יושב
²⁶כי אתה אשר הכית רדפו ואל מכאוב חלליך יספרו
²⁷תנה עון על עונם ואל יבאו בצדקתך
²⁸ימחו מספר חיים ועם צדיקים אל יכתבו
²⁹ואני עני וכואב ישועתך אלהים תשגבני!
³⁰אהללה שם אלהים בשיר ואגדלנו בתודה
³¹ותיטב ליהוה משור פר מקרן מפרים
³²ראו ענוים ישמחו דרשי אלהים ויחי לבבכם
³³כי שמע אל אביונים יהוה ואת אסיריו לא בזו
³⁴יהללוהו שמים וארץ ימים וכל רמש בם
³⁵כי אלהים יושיע ציון ויבנה ערי יהודה וישבו שם וירשוהו
³⁶וזרע עבדיו ינחלוה ואהבי שמו ישכנו בה

הפרק 70

למנצח לדוד להזכיר אלהים להצילני יהוה לעזרתי חושה¹
²יבשו ויחפרו מבקשי נפשי יסגו אחור ויכלמו חפצי רעת!
³ישובו על עקב בשתם האמרים האח האח
⁴ישישו וישמחו בך כל מבקשיך ויאמרו תמיד יגדל אלהים אהבי ישועתך
⁵ואני עני ואביון אלהים חושה לי עזרי ומפלטי אתה יהוה אל תאחר

הפרק 71

בך יהוה חסיתי אל אבושה לעולם¹
²בצדקתך תצילני ותפלטני הטה אלי אזנך והושיעני!
³היה לי לצור מעון לבוא תמיד צוית להושיעני כי סלעי ומצודתי אתה
⁴אלהי פלטני מיד רשע מכף מעול וחומץ
⁵כי אתה תקותי אדני יהוה מבטחי מנעורי!
⁶עליך נסמכתי מבטן ממעי אמי אתה גוזי בך תהלתי תמיד:
⁷כמופת הייתי לרבים ואתה מחסי עז
⁸ימלא פי תהלתך כל היום תפארתך
⁹אל תשליכני לעת זקנה ככלות כחי אל תעזבני!
¹⁰כי אמרו אויבי לי ושמרי נפשי נועצו יחדו
¹¹לאמר אלהים עזבו רדפו ותפשוהו כי אין מציל
¹²אלהים אל תרחק ממני אלהי לעזרתי חישה
¹³יבשו יכלו שטני נפשי יעטו חרפה וכלמה מבקשי רעת!
¹⁴ואני תמיד איחל והוספתי על כל תהלתך
¹⁵פי יספר צדקתך כל היום תשועתך כי לא ידעתי ספרות
¹⁶אבוא בגברות אדני יהוה אזכיר צדקתך לבדך
¹⁷אלהים למדתני מנעורי ועד הנה אגיד נפלאותיך
¹⁸וגם עד זקנה ושיבה אלהים אל תעזבני עד אגיד זרועך לדור לכל יבוא גבורתך
¹⁹וצדקתך אלהים עד מרום אשר עשית גדלות אלהים מי כמוך
²⁰אשר הראיתנו צרות רבות ורעות תשוב תחיינו ומתהמות הארץ תשוב תעלני!
²¹תרב גדלתי ותסב תנחמני!
²²גם אני אודך בכלי נבל אמתך אלהי אזמרה לך בכנור קדוש ישראל
²³תרננה שפתי כי אזמרה לך ונפשי אשר פדית
²⁴גם לשוני כל היום תהגה צדקתך כי בשו כי חפרו מבקשי רעת!

הפרק 72

לשלמה אלהים משפטיך למלך תן וצדקתך לבן מלך¹
²ידין עמך בצדק וענייך במשפט
³ישאו הרים שלום לעם וגבעות בצדק
⁴ישפט עניי עם יושיע לבני אביון וידכא עושק
⁵ייראוך עם שמש ולפני ירח דור דורים
⁶ירד כמטר על גז כרביבים זרזיף ארץ
⁷יפרח בימיו צדיק ורב שלום עד בלי ירח
⁸וירד מים עד ים ומנהר עד אפסי ארץ

⁹לפניו יכרעו ציים ואיביו עפר ילחכו
¹⁰מלכי תרשיש ואיים מנחה ישיבו מלכי שבא וסבא אשכר יקריבו
¹¹וישתחו לו כל מלכים כל גוים יעבדוהו
¹²כי יציל אביון משוע ועני ואין עזר לו
¹³יחס על דל ואביון ונפשות אביונים יושיע
¹⁴מתוך ומחמס יגאל נפשם וייקר דמם בעיניו
¹⁵ויחי ויתן לו מזהב שבא ויתפלל בעדו תמיד כל היום יברכנהו
¹⁶יהי פסת בר בארץ בראש הרים ירעש כלבנון פרו ויציצו מעיר כעשב הארץ
¹⁷יהי שמו לעולם לפני שמש ינין שמו ויתברכו בו כל גוים יאשרוהו
¹⁸ברוך יהוה אלהים אלהי ישראל עשה נפלאות לבדו
¹⁹וברוך שם כבודו לעולם וימלא כבודו את כל הארץ אמן ואמן
²⁰כלו תפלות דוד בן ישי!

הפרק 73

מזמור לאסף אך טוב לישראל אלהים לברי לבב
²ואני כמעט נטוי רגלי כאין שפכה אשר!
³כי קנאתי בהוללים שלום רשעים אראה
⁴כי אין חרצבות למותם ובריא אולם
⁵בעמל אנוש אינמו ועם אדם לא ינגעו
⁶לכן ענקתמו גאווה יעטף שית חמס למו
⁷יצא מחלב עינמו עברו משכיות לבב
⁸ימיקו וידברו ברע עשק ממרום ידברו
⁹שתו בשמים פיהם ולשונם תהלך בארץ
¹⁰לכן ישיב עמו הלם ומי מלא ימצו למו
¹¹ואמרו איכה ידע אל ויש דעה בעליון
¹²הנה אלה רשעים ושלוי עולם השגו חיל
¹³אך ריק זכיתי לבבי וארחץ בנקיון כפי!
¹⁴ואהי נגוע כל היום ותוכחתי לבקרים
¹⁵אם אמרתי אספרה כמו הנה דור בניך בגדתי!
¹⁶ואחשבה לדעת זאת עמל היא בעיני!
¹⁷עד אבוא אל מקדשי אל אבינה לאחריתם
¹⁸אך בחלקות תשית למו הפלתם למשואות
¹⁹איך היו לשמה כרגע ספו תמו מן בלהות
²⁰כחלום מהקיץ אדני בעיר צלמם תבזה
²¹כי יתחמץ לבבי וכליותי אשתונן
²²ואני בער ולא אדע בהמות הייתי עמך
²³ואני תמיד עמך אחזת ביד ימיני!
²⁴בעצתך תנחני ואחר כבוד תקחני!
²⁵מי לי בשמים ועמך לא חפצתי בארץ
²⁶כלה שארי ולבבי צור לבבי וחלקי אלהים לעולם
²⁷כי הנה רחקיך יאבדו הצמתה כל זונה ממך
²⁸ואני קרבת אלהים לי טוב שתי באדני יהוה מחסי לספר כל מלאכותיך

הפרק 74

משכיל לאסוף למה אלהים זנחת לנצח יעשן אפך בצאן מרעיתך:
²זכר עדתך קנית קדם גאלת שבט נחלתך הר ציון זה שכנת בו
³הרימה פעמיך למשאות נצח כל הרע אויב בקדש
⁴שאגו צרריך בקרב מועדך שמו אותם אתות
⁵יודע כמביא למעלה בסבך עץ קרדמות
⁶ועת פתוחיה יחד בכשיל וכלפת יהלמון
⁷שלחו באש מקדשך לארץ חללו משכן שמך
⁸אמרו בלבם נינם יחד שרפו כל מועדי אל בארץ
⁹אותתינו לא ראינו אין עוד נביא ולא אתנו ידע עד מה
¹⁰עד מתי אלהים יחרף צר ינאץ אויב שמך לנצח
¹¹למה תשיב ירך וימינך מקרב חוקך כלה
¹²ואלהים מלכי מקדם פעל ישועות בקרב הארץ
¹³אתה פוררת בעזך ים שברת ראשי תנינים על המים
¹⁴אתה רצצת ראשי לויתן תתננו מאכל לעם לציים
¹⁵אתה בקעת מעין ונחל אתה הובשת נהרות איתן
¹⁶לך יום אף לך לילה אתה הכינות מאור ושמשי
¹⁷אתה הצבת כל גבולות ארץ קיץ וחרף אתה יצרתם
¹⁸זכר זאת אויב חרף יהוה ועם נבל נאצו שמך
¹⁹אל תתן לחית נפש תורף חית ענייך אל תשכח לנצח
²⁰הבט לברית כי מלאו מחשכי ארץ נאות חמס
²¹אל ישב דך נכלם עני ואביון יהללו שמך
²²קומה אלהים ריבה ריבך זכר חרפתך מני נבל כל היום
²³אל תשכח קול צרריך שאון קמך עלה תמיד:

הפרק 75

למנצח אל תשחת מזמור לאסף שיר הודינו לך אלהים הודינו וקרוב שמך ספרו נפלאותיך:
²כי אקח מועד אני מישרים אשפט
³נמגים ארץ וכל ישביה אנכי תכנתי עמודיה סלה
⁴אמרתי להוללים אל תהלו ולרשעים אל תרימו קרן
⁵אל תרימו למרום קרנכם תדברו בצואר עתק
⁶כי לא ממוצא וממערב ולא ממדבר הרים
⁷כי אלהים שפט זה ישפיל וזה ירים
⁸כי כוס ביד יהוה ויין חמר מלא מסך ויגר מזה אך שמריה ימצו ישתו כל רשעי ארץ
⁹ואני אגיד לעלם אזמרה לאלהי יעקב
¹⁰וכל קרני רשעים אגדע תרוממנה קרנות צדיק

הפרק 76

ל מנצח בנגינת מזמור לאסף שיר נודע ביהודה אלהים בישראל גדול שמו¹
 ויהי בשלם סכו ומעונתו בציון²
 שמה שבר רשפי קשת מגן וחרב ומלחמה סלה³
 נאור אתה אדיר מהררי טרף⁴
 אשתוללו אבירי לב נמו שנתם ולא מצאו כל אנשי חיל ידיהם⁵
 מגערתך אלהי יעקב נרדם ורכב וסוס⁶
 אתה נורא אתה ומי יעמד לפניך מאז אפך⁷
 משמים השמעת דין ארץ יראה ושקטה⁸
 בקום למשפט אלהים להושיע כל ענוי ארץ סלה⁹
 כי חמת אדם תודך שארית חמת תחגה¹⁰
 נדרו ושלמו ליהוה אלהיכם כל סביביו יובילו שי למורא¹¹
 יבצר רוח נגידים נורא למלכי ארץ¹²

הפרק 77

ל מנצח על ידיתון לאסף מזמור קולי אל אלהים ואצעקה קולי אל אלהים והאזין אלי!
 ביום צרתי אדני דרשתי ידי לילה נגרה ולא תפוג מאנה הנחם נפשי!²
 אזכרה אלהים ואהמיה אשיחה ותתעטף רוחי סלה³
 אחזת שמרות עיני נפעמתי ולא אדבה⁴
 חשבתי ימים מקדם שנות עולמים⁵
 אזכרה נגינתי בלילה עם לבבי אשיחה ויחפש רוחי!⁶
 הלעולמים יזנח אדני ולא יסיף לרצות עוד:⁷
 האפס לנצח חסדו גמר אמר לדר ודר:⁸
 השכח חנות אל אם קפץ באף רחמיו סלה⁹
 ואמר חליתי היא שנות ימין עליון¹⁰
 אזכיר מעללי יה כי אזכרה מקדם פלאך¹¹
 והגיתי בכל פעלך ובעלילותיך אשיחה¹²
 אלהים בקדש דרכך מי אל גדול כאלהים¹³
 אתה האל עשה פלא הודעת בעמים עזך:¹⁴
 גאלת בזרוע עמך בני יעקב ויוסף סלה¹⁵
 ראוך מים אלהים ראוך מים יחילו אף ירגזו תהמות¹⁶
 זרמו מים עבות קול נתנו שחקים אף חצצך יתהלכו¹⁷
 קול רעמך בגלגל האירו ברקים תבל רגזה ותרעש הארץ¹⁸
 בים דרכך ושביליך במים רבים ועקבותיך לא נדעו¹⁹
 נחית כצאן עמך ביד משה ואהרן²⁰

הפרק 78

מ שכיח לאסף האזינה עמי תורת ה' הטו אזנכם לאמרי פ!
 אפתחה במשל פי אביעה חידות מני קדם²
 אשר שמענו ונדעם ואבותינו ספרו לנו³
 לא נכחד מבניהם לדור אחרון מספרים תהלות יהוה ועוזו ונפלאותיו אשר עשה⁴
 ויקם עדות ביעקב ותורה שם בישראל אשר צוה את אבותינו להודיעם לבניהם⁵

⁶למען ידעו דור אחרון בנים יולדו יקמו ויספרו לבניהם
⁷וישימו באלהים כסלם ולא ישכחו מעללי אל ומצותיו ינצרו
⁸ולא יהיו כאבותם דור סורר ומרה דור לא הכין לבו ולא נאמנה את אל רוחו
⁹בני אפרים נושקי רומי קשת הפכו ביום קרב
¹⁰לא שמרו ברית אלהים ובתורתו מאנו ללכת
¹¹וישכחו עלילותיו ונפלאותיו אשר הראם
¹²נגד אבותם עשה פלא בארץ מצרים שדה צען
¹³בקע ים ויעבירו ויצב מים כמו נד:
¹⁴וינחם בענן יומם וכל הלילה באור אש
¹⁵יבקע צרים במדבר וישק כתהמות רבה
¹⁶ויוצא נוזלים מסלע ויורד כנהרות מים
¹⁷ויסיפו עוד לחטא לו למרות עליון בציח
¹⁸וינסו אל בלבבם לשאל אכל לנפשם
¹⁹וידברו באלהים אמרו היוכל אל לערך שלחן במדבר:
²⁰הן הכה צור ויזובו מים ונחלים ישטפו הגם לחם יוכל תת אם יכין שאר לעמו
²¹לכן שמע יהוה ויתעבר ואש נשקה ביעקב וגם אף עלה בישראל
²²כי לא האמינו באלהים ולא בטחו בישועתו
²³ויצו שחקים ממעל ודלתי שמים פתח
²⁴וימטר עליהם מן לאכל ודגן שמים נתן למו
²⁵לחם אבירים אכל איש צידה שלח להם לשבע
²⁶יסע קדים בשמים וינהג בעזו תימן
²⁷וימטר עליהם כעפר שאר וכחול ימים עוף כנף:
²⁸ויפל בקרב מחנהו סביב למשכנתו
²⁹ויאכלו וישבעו מאד ותאותם יבא להם
³⁰לא זרו מתאותם עוד אכלם בפיהם
³¹ואף אלהים עלה בהם ויהרג במשמניהם ובחורי ישראל הכריע
³²בכל זאת חטאו עוד ולא האמינו בנפלאותיו
³³ויכל בהבל ימיהם ושנותם בבהלח
³⁴אם הרגם ודרשוהו ושבּו ושחרו אל
³⁵ויזכרו כי אלהים צורם ואל עליון גאלם
³⁶ויפתוהו בפיהם ובלשונם יכזבו לו
³⁷ולבם לא נכון עמו ולא נאמנו בבריתו
³⁸והוא רחום יכפר עון ולא ישחית והרבה להשיב אפו ולא יעיר כל חמתו
³⁹ויזכר כי בשר המה רוח הולך ולא ישוב
⁴⁰כמה ימרוהו במדבר יעציבוהו בשימון
⁴¹וישובו וינסו אל וקדוש ישראל התוו
⁴²לא זכרו את ידו יום אשר פדם מני צר
⁴³אשר שם במצרים אתותיו ומופתיו בשדה צען
⁴⁴ויהפך לדם יאריהם ונזליהם בל ישתיו
⁴⁵ישלח בהם ערב ויאכלם וצפרדע ותשחיתם
⁴⁶ויתן לחסיל יבולם ויגיעם לארבה
⁴⁷יהרג בברד גפנם ושקמותם בחנמל
⁴⁸ויסגר לברד בעירם ומקניהם לרשפים

⁴⁹שלח בם חרון אפו עברה וזעם וצרה משלחת מלאכי רעים
⁵⁰יפלט נתיב לאפו לא חשך ממות נפשם וחיתם לדבר הסגיה
⁵¹וין כל בכור במצרים ראשית אונים באהלי חם
⁵²ויסע כצאן עמו וינהגם כעדר במדבר
⁵³וינחם לבטח ולא פחדו ואת אויביהם כסה הים
⁵⁴ויביאם אל גבול קדשו הר זה קנתה ימינו
⁵⁵ויגרש מפניהם גוים ויפילם בחבל נחלה וישכן באהליהם שבטי ישראל
⁵⁶וינסו וימרו את אלהים עליון ועדותיו לא שמרו
⁵⁷ויסגו ויבגדו כאבותם נהפכו כקשת רמיה
⁵⁸ויכעיסוהו בבמותם ובפסיליהם יקניאוהו
⁵⁹שמע אלהים ויתעבר וימאס מאד בישראל
⁶⁰ויטש משכן שלו אהל שכן באדם
⁶¹ויתן לשבי עזו ותפארתו ביד צה
⁶²ויסגר לחרב עמו ובנחלתו התעבר
⁶³בחוריו אכלה אש ובתולתיו לא הוללו
⁶⁴כהניו בחרב נפלו ואלמנתיו לא תבכינה
⁶⁵ויקץ כישן אדני כגבור מתרונן מיין
⁶⁶וין צריו אחור חרפת עולם נתן למו
⁶⁷וימאס באהל יוסף ובשבט אפרים לא בחר
⁶⁸ויבחר את שבט יהודה את הר ציון אשר אהב
⁶⁹ויבן כמו רמים מקדשו כארץ יסדה לעולם
⁷⁰ויבחר בדוד עבדו ויקחהו ממכלאת צאן
⁷¹מאחר עלות הביאו לרעות ביעקב עמו ובישראל נחלתו
⁷²וירעם כתם לבבו ובתבונות כפיו ינחם

הפרק 79

מזמור לאסף אלהים באו גוים בנחלתך טמאו את היכל קדשך שמו את ירושלם לעיים
²נתנו את נבלת עבדיך מאכל לעוף השמים בשר חסידיך לחיתו ארץ
³שפכו דמם כמים סביבות ירושלם ואין קובר
⁴היינו חרפה לשכנינו לעג וקלס לסביבותינו
⁵עד מה יהוה תאנף לנצח תבער כמו אש קנאתך
⁶שפך חמתך אל הגוים אשר לא ידעוך ועל ממלכות אשר בשמך לא קראו
⁷כי אכל את יעקב ואת נוהו השמו
⁸אל תזכר לנו עונת ראשנים מהר יקדמונו רחמיך כי דלנו מאד
⁹עזרנו אלהי ישענו על דבר כבוד שמך והצילנו וכפר על חטאתינו למען שמך
¹⁰למה יאמרו הגוים איה אלהיהם יודע בגיים לעינינו נקמת דם עבדיך השפוך
¹¹תבוא לפניך אנקת אסיר כגדל זרועך הותר בני תמותה
¹²והשב לשכנינו שבעתים אל חיקם חרפתם אשר חרפוך אדני!
¹³ואנחנו עמך וצאן מרעיתך נודה לך לעולם לדר ודר נספר תהלתך

הפרק 80

ל מנצח אל ששנים עדות לאסף מזמור רעה ישראל האזינה נהג כצאן יוסף ישב הכרובים הופיעה
² לפני אפרים ובנימן ומנשה עוררה את גבורתך ולכה לישעתה לנו
³ אלהים השיבנו והאר פניך ונושעה
⁴ יהוה אלהים צבאות עד מתי עשנת בתפלת עמך
⁵ האכלתם לחם דמעה ותשקמו בדמעות שלישי
⁶ תשימנו מדון לשכנינו ואיבינו ילעגו לנו
⁷ אלהים צבאות השיבנו והאר פניך ונושעה
⁸ גפן ממצרים תסיע תגרש גוים ותטעה
⁹ פנית לפניה ותשרש שרשיה ותמלא ארץ
¹⁰ כסו הרים צלה וענפיה ארזי אל
¹¹ תשלח קצירה עד ים ואל נהר יונקותיה
¹² למה פרצת גדריה וארוה כל עברי דרך
¹³ יכרסמנה חזיר מיער וזיז שדי ירענה
¹⁴ אלהים צבאות שוב נא הבט משמים וראה ופקד גפן זאת
¹⁵ וכנה אשר נטעה ימינך ועל בן אמצתה לך
¹⁶ שרפה באש כסוחה מגערת פניך יאבדו
¹⁷ תהי ירך על איש ימינך על בן אדם אמצת לך
¹⁸ ולא נסוג ממך תחינו ובשמך נקרא
¹⁹ יהוה אלהים צבאות השיבנו האר פניך ונושעה

הפרק 81

ל מנצח על הגתית לאסף הרנינו לאלהים עוזנו הריעו לאלהי יעקב
² שאו זמרה ותנו תף כנור נעים עם נבל
³ תקעו בחדש שופר בכסה ליום חגנו
⁴ כי חק לישראל הוא משפט לאלהי יעקב
⁵ עדות ביהוסף שמו בצאתו על ארץ מצרים שפת לא ידעתי אשמע
⁶ הסיירותי מסבל שכמו כפיו מדוד תעברנה
⁷ בצרה קראת ואחלצך אענך בסתר רעם אבחנוך על מי מריבה סלה
⁸ שמע עמי ואעידה בך ישראל אם תשמע לי!
⁹ לא יהיה בך אל זר ולא תשתחוה לאל נכר
¹⁰ אנכי יהוה אלהיך המעלך מארץ מצרים הרחב פיך ואמלאהו
¹¹ ולא שמע עמי לקולי וישראל לא אבה לי!
¹² ואשלחיו בשרירות לבם ילכו במועצותיהם
¹³ לו עמי שמע לי ישראל בדרכי יהלכו
¹⁴ כמעט אויביהם אכניע ועל צריהם אשיב יד!
¹⁵ משנאי יהוה יכחשו לו ויהי עתם לעולם
¹⁶ ויאכילו מחלב חטה ומצור דבש אשביעך

הפרק 82

מזמור לאסף אלהים נצב בעדת אל בקרב אלהים ישפט²
עד מתי תשפטו עול ופני רשעים תשאו סלה³
שפטו דל ויתום עני ורש הצדיקו⁴
פלטו דל ואביון מיד רשעים הצילו⁵
לא ידעו ולא יבינו בחשכה יתהלכו ימוטו כל מוסדי ארץ⁶
אני אמרתי אלהים אתם ובני עליון כלכם⁷
אכן כאדם תמותון וכאחד השרים תפלו⁸
קומה אלהים שפטה הארץ כי אתה תנחל בכל הגוים

הפרק 83

שיר מזמור לאסף אלהים אל דמי לך אל תחרש ואל תשקט אל²
כי הנה אויביך יהמיון ומשנאיך נשאו ראש³
על עמך יערימו סוד ויתיעצו על צפוניך⁴
אמרו לכו ונכחידם מגוי ולא יזכר שם ישראל עוד⁵
כי נועצו לב יחדו עליך ברית יכרתו⁶
אהלי אדום וישמעאלים מואב והגרים⁷
גבל ועמון ועמלק פלשת עם ישרי צור⁸
גם אשור נלוה עמם היו זרוע לבני לוט סלה⁹
עשה להם כמדין כסיסרא כיבין בנחל קישון¹⁰
נשמדו בעין דאר היו דמן לאדמה¹¹
שיתמו נדיבמו כערב וכזאב וכזבח וכצלמנע כל נסיכמו¹²
אשר אמרו נירשה לנו את נאות אלהים¹³
אלהי שיתמו כגלגל כקש לפני רוח¹⁴
כאש תבער יער וכלהבה תלהט הרים¹⁵
כן תרדפם בסערך ובסופתך תבהלם¹⁶
מלא פניהם קלון ויבקשו שמך יהוה¹⁷
יבשו ויבהלו עדי עד ויחפרו ויאבדו¹⁸
וידעו כי אתה שמך יהוה לבדך עליון על כל הארץ

הפרק 84

למנצח על הגתית לבני קרח מזמור מה ידידות משכנותיך יהוה צבאות²
נכספה וגם כלתה נפשי לחצרות יהוה לבי ובשרי ירננו אל אל ח!
גם צפור מצאה בית ודרור קן לה אשר שתה אפרחיה את מזבחותיך יהוה צבאות מלכי ואלה:³
אשרי יושבי ביתך עוד יהללוך סלה⁴
אשרי אדם עוז לו בכ מסלות בלבבם⁵
עברי בעמק הבכא מעין ישיתוהו גם ברכות יעטה מורה⁶
ילכו מחיל אל חיל יראה אל אלהים בציון⁷
יהוה אלהים צבאות שמעה תפלתי האזינה אלהי יעקב סלה⁸
מגננו ראה אלהים והבט פני משיחך⁹

¹⁰כי טוב יום בחצריך מאלף בחרתי הסתופף בבית אלהי מדור באהלי רשע
¹¹כי שמש ומגן יהוה אלהים חן וכבוד יתן יהוה לא ימנע טוב להלכים בתמים
¹²יהוה צבאות אשרי אדם בטח בך

הפרק 85

למנצח לבני קרח מזמור רצית יהוה ארצך שבת שבות יעקב
²נשאת עון עמך כסית כל חטאתם סלה
³אספת כל עברתך השיבות מחרון אפך
⁴שובנו אלהי ישענו והפר כעסך עמנו
⁵הלעולם תאנף בנו תמשך אפך לדר ודה
⁶הלא אתה תשוב תחינו ועמך ישמחו בך
⁷הראנו יהוה חסדך וישעך תתן לנו
⁸אשמעה מה ידבר האל יהוה כי ידבר שלום אל עמו ואל חסידיו ואל ישובו לכסלה
⁹אך קרוב ליראיו ישעו לשכן כבוד בארצנו
¹⁰חסד ואמת נפגשו צדק ושלום נשקו
¹¹אמת מארץ תצמח וצדק משמים נשקף
¹²גם יהוה יתן הטוב וארצנו תתן יבולה
¹³צדק לפניו יהלך וישם לדרך פעמיו

הפרק 86

תפלה לדוד הטה יהוה אזנך ענני כי עני ואביון אני
²שמרה נפשי כי חסיד אני הושע עבדך אתה אלהי הבוטח אליך
³חנני אדני כי אליך אקרא כל היום
⁴שמח נפש עבדך כי אליך אדני נפשי אשא
⁵כי אתה אדני טוב וסלח ורב חסד לכל קראיך
⁶האזינה יהוה תפלתי והקשיבה בקול תחנונותי
⁷ביום צרתי אקראך כי תענני
⁸אין כמוך באלהים אדני ואין כמעשיך
⁹כל גוים אשר עשית יבואו וישתחוו לפניך אדני ויכבדו לשמך
¹⁰כי גדול אתה ועשה נפלאות אתה אלהים לבדך
¹¹הורני יהוה דרכך אהלך באמתך יחד לבבי ליראה שמך
¹²אודך אדני אלהי בכל לבבי ואכבדה שמך לעולם
¹³כי חסדך גדול עלי והצלת נפשי משאול תחתית
¹⁴אלהים זדים קמו עלי ועדת עריצים בקשו נפשי ולא שמוך לנגדם
¹⁵ואתה אדני אל רחום וחנון ארך אפים ורב חסד ואמת
¹⁶פנה אלי וחנני תנה עזך לעבדך והושיעה לבן אמתך
¹⁷עשה עמי אות לטובה ויראו שנאי ויבשו כי אתה יהוה עזרתני ונחמתני

הפרק 87

לבני קרח מזמור שיר יסודתו בהררי קדש¹
אהב יהוה שערי ציון מכל משכנות יעקב²
נכבדות מדבר בך עיר האלהים סלה³
אזכיר רהב ובבל לידעי הנה פלשת וצור עם כוש זה ילד שם⁴
ולציון יאמר איש ואיש ילד בה והוא יכוננה עליון⁵
יהוה יספר בכתוב עמים זה ילד שם סלה⁶
ושרים כחללים כל מעיני בך⁷

הפרק 88

שיר מזמור לבני קרח למנצח על מחלת לענות משכיל להימן האזרחי יהוה אלהי ישועתי יום צעקתי
בלילה נגדך
תבוא לפניך תפלתי הטה אזנך לרנתי²
כי שבעה ברעות נפשי וחיי לשאול הגיעו³
נחשבתי עם יורדי בור הייתי כגבר אין איל⁴
במתים חפשי כמו חללים שכבי קבר אשר לא זכרתם עוד והמה מידך נגזרו⁵
שתני בבור תחתיות במחשכים במצלול⁶
עלי סמכה חמתך וכל משברך ענית סלה⁷
הרחקת מידעי ממני שתני תועבות למו כלא ולא אצא⁸
עיני דאבה מני עני קראתיך יהוה בכל יום שטחתי אליך כפי⁹
הלמתים תעשה פלא אם רפאים יקומו יודוך סלה¹⁰
היספר בקבר חסדך אמונתך באבדון¹¹
היודע בחשך פלאך וצדקתך בארץ נשיה¹²
ואני אליך יהוה שועתי ובבקר תפלתי תקדמך¹³
למה יהוה תזנח נפשי תסתיר פניך ממני¹⁴
עני אני וגוע מנער נשאתי אמיך אפונה¹⁵
עלי עברו חרוניך בעותיך צמתותני¹⁶
סבוני כמים כל היום הקיפו עלי יחד¹⁷
הרחקת ממני אהב ורע מידעי מחשך¹⁸

הפרק 89

משכיל לאיתן האזרחי חסדי יהוה עולם אשירה לדר ודר אודיע אמונתך בפי¹
כי אמרתי עולם חסד יבנה שמים תכן אמונתך בהם²
כרתי ברית לבחירי נשבעתי לדוד עבדי³
עד עולם אכין זרעך ובניתי לדר ודור כסאך סלה⁴
ויודו שמים פלאך יהוה אף אמונתך בקהל קדשים⁵
כי מי בשחק יערך ליהוה ידמה ליהוה בבני אלים⁶
אל נערץ בסוד קדשים רבה ונורא על כל סביביו⁷
יהוה אלהי צבאות מי כמוך חסין יה ואמונתך סביבותיך⁸
אתה מושל בגאות הים בשוא גליו אתה תשבחם⁹
אתה דכאת כחלל רהב בזרוע עזך פזרת אויביו¹⁰
לך שמים אף לך ארץ תבל ומלאה אתה יסדתם¹¹

¹² צפון וימין אתה בראתם תבור וחרמון בשמך ירננו
¹³ לך זרוע עם גבורה תעז ירך תרום ימינך
¹⁴ צדק ומשפט מכון כסאך חסד ואמת יקדמו פניך
¹⁵ אשרי העם יודעי תרועה יהוה באור פניך יהלכון
¹⁶ בשמך יגילון כל היום ובצדקתך ירומו
¹⁷ כי תפארת עזמו אתה וברצנך תרים קרננו
¹⁸ כי ליהוה מגננו ולקדוש ישראל מלכנו
¹⁹ אז דברת בחזון לחסידיך ותאמר שויתי עזר על גבור הרימותי בחור מעם
²⁰ מצאתי דוד עבדי בשמן קדשי משחתיו
²¹ אשר ידי תכון עמו אף זרועי תאמצנו
²² לא ישא אויב בו ובן עולה לא יעננו
²³ וכתותי מפניו צריו ומשנאיו אגוף
²⁴ ואמונתי וחסדי עמו ובשמי תרום קרנו
²⁵ ושמתי בים ידו ובנהרות ימינו
²⁶ הוא יקראני אבי אתה אלי וצור ישועתי
²⁷ אף אני בכור אתנהו עליון למלכי ארץ
²⁸ לעולם אשמור לו חסדי ובריתי נאמנת לו
²⁹ ושמתי לעד זרעו וכסאו כימי שמים
³⁰ אם יעזבו בניו תורתי ובמשפטי לא ילכון
³¹ אם חקתי יחללו ומצותי לא ישמרו
³² ופקדתי בשבט פשעם ובנגעים עונם
³³ וחסדי לא אפיר מעמו ולא אשקר באמונתי
³⁴ לא אחלל בריתי ומוצא שפתי לא אשנה
³⁵ אחת נשבעתי בקדשי אם לדוד אכזב
³⁶ זרעו לעולם יהיה וכסאו כשמש נגדי
³⁷ כירח יכון עולם ועד בשחק נאמן סלה
³⁸ ואתה זנחת ותמאס התעברת עם משיחך
³⁹ נארתה ברית עבדך חללת לארץ מזו
⁴⁰ פרצת כל גדרתיו שמת מבצריו מחתה
⁴¹ שסוהו כל עברי דרך היה חרפה לשכניו
⁴² הרימות ימין צריו השמחת כל אויביו
⁴³ אף תשיב צור חרבו ולא הקימתו במלחמה
⁴⁴ השבת מטהרו וכסאו לארץ מגרתה
⁴⁵ הקצרת ימי עלומיו העטית עליו בוש סלה
⁴⁶ עד מה יהוה תסתר לנצח תבער כמו אש חמתך
⁴⁷ זכר אני מה חלד על מה שוא בראת כל בני אדם
⁴⁸ מי גבר יחיה ולא יראה מות ימלט נפשו מיד שאול סלה
⁴⁹ איה חסדיך הראשנים אדני נשבעת לדוד באמונתך
⁵⁰ זכר אדני חרפת עבדיך שאתי בחיקי כל רבים עמים
⁵¹ אשר חרפו אויביך יהוה אשר חרפו עקבות משיחך
⁵² ברוך יהוה לעולם אמן ואמן

תפלה למשה איש האלהים אדני מעון אתה היית לנו בדר ודה²
בטרם הרים ילדו ותחולל ארץ ותבל ומעולם עד עולם אתה אל³
תשב אנוש עד דכא ותאמר שובו בני אדם⁴
כי אלף שנים בעיניך כיום אתמול כי יעבר ואשמורה בלילה⁵
זרמתם שנה יהיו בבקר כחציר יחלף⁶
בבקר יציץ וחלף לערב ימולל ויבש⁷
כי כלינו באפך ובחמתך נבהלנו⁸
שת עונותינו לנגדך עלמנו למאור פניך⁹
כי כל ימינו פנו בעברתך כלינו שנינו כמו הגה¹⁰
ימי שנותינו בהם שבעים שנה ואם בגבורת שמונים שנה ורהבם עמל ואון כי גז חיש ונעפה¹¹
מי יודע עז אפך וכיראתך עברתך¹²
למנות ימינו כן הודע ונבא לבב חכמה¹³
שובה יהוה עד מתי והנחם על עבדיך¹⁴
שבענו בבקר חסדך ונרננה ונשמחה בכל ימינו¹⁵
שמחנו כימות עניתנו שנות ראינו רעה¹⁶
יראה אל עבדיך פעלך והדרך על בניהם¹⁷
ויהי נעם אדני אלהינו עלינו ומעשה ידינו כוננה עלינו ומעשה ידינו כוננה

הפרק 91

¹שב בסתר עליון בצל שדי יתלון
²אמר ליהוה מחסי ומצודתי אלהי אבטח בו
³כי הוא יצילך מפח יקוש מדבר הוות
⁴באברתו יסך לך ותחת כנפיו תחסה צנה וסחרה אמתו
⁵לא תירא מפחד לילה מחץ יעוף יומם
⁶מדבר באפל יהלך מקטב ישוד צהרים
⁷יפל מצדך אלף ורובה מימינך אליך לא יגש
⁸רק בעיניך תביט ושלמת רשעים תראה
⁹כי אתה יהוה מחסי עליון שמת מעונך
¹⁰לא תאנה אליך רעה ונגע לא יקרב באהלך
¹¹כי מלאכיו יצוה לך לשמרך בכל דרכיך
¹²על כפים ישאונך פן תגף באבן רגלך
¹³על שחל ופתן תדרך תרמס כפיר ותנין
¹⁴כי בי חשק ואפלטוהו אשגבהו כי ידע שמי
¹⁵יקראני ואענהו עמו אנכי בצרה אחלצהו ואכבדהו
¹⁶ארך ימים אשביעהו ואראהו בישועת:

הפרק 92

מזמור שיר ליום השבת טוב להדות ליהוה ולזמר לשמך עליון²
להגיד בבקר חסדך ואמונתך בלילות³
עלי עשור ועלי נבל עלי הגיון בכנור⁴
כי שמחתני יהוה בפעלך במעשי ידיך ארנן

⁵מה גדלו מעשיך יהוה מאד עמקו מחשבתך;
⁶איש בער לא ידע וכסיל לא יבין את זאת
⁷בפרח רשעים כמו עשב ויציצו כל פעלי און להשמדם עדי עד;
⁸ואתה מרום לעלם יהוה
⁹כי הנה איביך יהוה כי הנה איביך יאבדו יתפרדו כל פעלי און
¹⁰ותרם כראים קרני בלתי בשמן רענן
¹¹ותבט עיני בשורי בקמים עלי מרעים תשמענה אזני;
¹²צדיק כתמר יפרח כארז בלבנון ישגה
¹³שתולים בבית יהוה בחצרות אלהינו יפריחו
¹⁴עוד ינובון בשיבה דשנים ורעננים יהיו
¹⁵להגיד כי ישר יהוה צורי ולא עלתה בו

הפרק 93

¹הוה מלך גאות לבש לבש יהוה עז התאזר אף תכון תבל בל תמוט
²נכון כסאך מאז מעולם אתה
³נשאו נהרות יהוה נשאו נהרות קולם ישאו נהרות דכים
⁴מקלות מים רבים אדירים משברי ים אדיר במרום יהוה
⁵עדתיך נאמנו מאד לביתך נאווה קדש יהוה לארך ימים

הפרק 94

אל נקמות יהוה אל נקמות הופיע
²הנשא שפט הארץ השב גמול על גאים
³עד מתי רשעים יהוה עד מתי רשעים יעלזו
⁴יביעו ידברו עתק יתאמרו כל פעלי און
⁵עמך יהוה ידכאו ונחלתך יענו
⁶אלמנה וגר יהרגו ויתומים ירצחו
⁷ויאמרו לא יראה יה ולא יבין אלהי יעקב
⁸בינו בערים בעם וכסילים מתי תשכילו
⁹הנטע און הלא ישמע אם יצר עין הלא יביט
¹⁰היסר גוים הלא יוכיח המלמד אדם דעת
¹¹יהוה ידע מחשבות אדם כי המה הבל
¹²אשרי הגבר אשר תיסרנו יה ומתורתך תלמדנו
¹³להשקיט לו מימי רע עד יכרה לרשע שחת
¹⁴כי לא יטש יהוה עמו ונחלתו לא יעזב
¹⁵כי עד צדק ישוב משפט ואחריו כל ישרי לב
¹⁶מי יקום לי עם מרעים מי יתיצב לי עם פעלי און
¹⁷לולי יהוה עזרתה לי כמעט שכנה דומה נפשי;
¹⁸אם אמרתי מטה רגלי חסדך יהוה יסעדני;
¹⁹ברב שרעפי בקרבי תנחומיך ישעשעו נפשי;
²⁰היחברך כסא הוות יצר עמל עלי חק

²¹ יגודו על נפש צדיק ודם נקי ירשיעו
²² ויהי יהוה לי למשגב ואלהי לצור מחסי:
²³ וישב עליהם את אונם וברעתם יצמיתם יצמיתם יהוה אלהינו

הפרק 95

ל כו נרננה ליהוה נריעה לצור ישענו
² נקדמה פניו בתודה בזמרות נריע לו
³ כי אל גדול יהוה ומלך גדול על כל אלהים
⁴ אשר בידו מחקרי ארץ ותועפות הרים לו
⁵ אשר לו הים והוא עשהו ויבשת ידיו יצרו
⁶ באו נשתחוה ונכרעה נברכה לפני יהוה עשנו
⁷ כי הוא אלהינו ואנחנו עם מרעיתו וצאן ידו היום אם בקלו תשמעו
⁸ אל תקשו לבבכם כמריבה כיום מסה במדבר
⁹ אשר נסוני אבותיכם בחנוני גם ראו פעל:
¹⁰ ארבעים שנה אקוט בדור ואמר עם תעי לבב הם והם לא ידעו דרכי:
¹¹ אשר נשבעתי באפי אם יבאון אל מנוחת:

הפרק 96

ש ירו ליהוה שיר חדש שירו ליהוה כל הארץ
² שירו ליהוה ברכו שמו בשרו מיום ליום ישועתו
³ ספרו בגוים כבודו בכל העמים נפלאותיו
⁴ כי גדול יהוה ומהלל מאד נורא הוא על כל אלהים
⁵ כי כל אלהי העמים אלילים ויהוה שמים עשה
⁶ הוד והדר לפניו עז ותפארת במקדשו
⁷ הבו ליהוה משפחות עמים הבו ליהוה כבוד ועז
⁸ הבו ליהוה כבוד שמו שאו מנחה ובאו לחצרותיו
⁹ השתחוו ליהוה בהדרת קדש חילו מפניו כל הארץ
¹⁰ אמרו בגוים יהוה מלך אף תכון תבל בל תמוט ידיו עמים במישרים
¹¹ ישמחו השמים ותגל הארץ ירעם הים ומלאו
¹² יעלזו שדי וכל אשר בו אז ירננו כל עצי יער
¹³ לפני יהוה כי בא כי בא לשפט הארץ ישפט תבל בצדק ועמים באמונתו

הפרק 97

ה הוה מלך תגל הארץ ישמחו איים רבים
² ענן וערפל סביביו צדק ומשפט מכון כסאו
³ אש לפניו תלך ותלהט סביב צריו
⁴ האירו ברקיו תבל ראתה ותחל הארץ
⁵ הרים כדונג נמסו מלפני יהוה מלפני אדון כל הארץ
⁶ הגידו השמים צדקו וראו כל העמים כבודו
⁷ יבשו כל עבדי פסל המתהללים באלילים השתחוו לו כל אלהים

⁸שמעה ותשמח ציון ותגלנה בנות יהודה למען משפטיך יהוה
⁹כי אתה יהוה עליון על כל הארץ מאד נעלית על כל אלהים
¹⁰אהבי יהוה שנאו רע שמר נפשות חסידיו מיד רשעים יצילם
¹¹אור זרע לצדיק ולישרי לב שמחה
¹²שמחו צדיקים ביהוה והודו לזכר קדשו

הפרק 98

מזמור שירו ליהוה שיר חדש כי נפלאות עשה הושיעה לו ימינו וזרוע קדשו
²הודיע יהוה ישועתו לעיני הגוים גלה צדקתו
³זכר חסדו ואמונתו לבית ישראל ראו כל אפסי ארץ את ישועת אלהינו
⁴הריעו ליהוה כל הארץ פצחו ורננו וזמרו
⁵זמרו ליהוה בכנור בכנור וקול זמרה
⁶בחצצרות וקול שופר הריעו לפני המלך יהוה
⁷ירעם הים ומלאו תבל וישבי בה
⁸נהרות ימחאו כף יחד הרים ירננו
⁹לפני יהוה כי בא לשפט הארץ ישפט תבל בצדק ועמים במישרים

הפרק 99

¹הוה מלך ירגזו עמים ישב כרובים תנוט הארץ
²יהוה בציון גדול ורם הוא על כל העמים
³יודו שמך גדול ונורא קדוש הוא
⁴ועז מלך משפט אהב אתה כוננת מישרים משפט וצדקה ביעקב אתה עשית
⁵רוממו יהוה אלהינו והשתחוו להדם רגליו קדוש הוא
⁶משה ואהרן בכהניו ושמואל בקראי שמו קראים אל יהוה והוא יענם
⁷בעמוד ענן ידבר אליהם שמרו עדתיו וחק נתן למו
⁸יהוה אלהינו אתה עניתם אל נשא היית להם ונקם על עלילותם
⁹רוממו יהוה אלהינו והשתחוו להר קדשו כי קדוש יהוה אלהינו

הפרק 100

מזמור לתודה הריעו ליהוה כל הארץ
²עבדו את יהוה בשמחה באו לפניו ברננה
³דעו כי יהוה הוא אלהים הוא עשנו ולא אנחנו עמו וצאן מרעיתו
⁴באו שערינו בתודה חצרתיו בתהלה הודו לו ברכו שמו
⁵כי טוב יהוה לעולם חסדו ועד דר ודר אמונתו

הפרק 101

לדוד מזמור חסד ומשפט אשירה לך יהוה אזמרה
²אשכילה בדרך תמים מתי תבוא אלי אתהלך בתם לבבי בקרב ביתי
³לא אשית לנגד עיני דבר בליעל עשה סטים שנאתי לא ידבק בי

⁴לבב עקש יסור ממני רע לא אדע
⁵מלושני בסתר רעהו אותו אצמית גבה עינים ורחב לבב אתו לא אוכל
⁶עיני בנאמני ארץ לשבת עמדי הלך בדרך תמים הוא ישרתני!
⁷לא ישב בקרב ביתי עשה רמיה דבר שקרים לא יכון לנגד עיני!
⁸לבקרים אצמית כל רשעי ארץ להכרית מעיר יהוה כל פעלי און

הפרק 102

תפלה לעני כי יעטף ולפני יהוה ישפך שיחו יהוה שמעה תפלתי ושועתי אליך תבוא
²אל תסתר פניך ממני ביום צר לי הטה אלי אזנך ביום אקרא מהר ענני!
³כי כלו בעשן ימי ועצמותי כמו קד נחרו
⁴הוכה כעשב ויבש לבי כי שכחתי מאכל לחמי
⁵מקול אנחתי דבקה עצמי לבשרי!
⁶דמיתי לקאת מדבר הייתי ככוס חרבות
⁷שקדתי ואהיה כצפור בודד על גג
⁸כל היום חרפוני אויבי מהוללי בי נשבעו
⁹כי אפר כלחם אכלתי ושקוי בבכי מסכתי!
¹⁰מפני זעמך וקצפך כי נשאתני ותשליכני!
¹¹ימי כצל נטוי ואני כעשב איבש
¹²ואתה יהוה לעולם תשב וזכרך לדר ודה
¹³אתה תקום תרחם ציון כי עת לחננה כי בא מועד:
¹⁴כי רצו עבדיך את אבניה ואת עפרה יחננו
¹⁵וייראו גוים את שם יהוה וכל מלכי הארץ את כבודך:
¹⁶כי בנה יהוה ציון נראה בכבודו
¹⁷פנה אל תפלת הערער ולא בזה את תפלתם
¹⁸תכתב זאת לדור אחרון ועם נברא יהלל יח
¹⁹כי השקיף ממרום קדשו יהוה משמים אל ארץ הביט
²⁰לשמע אנקת אסיר לפתח בני תמותה
²¹לספר בציון שם יהוה ותהלתו בירושלם
²²בהקבץ עמים יחדו וממלכות לעבד את יהוה
²³ענה בדרך כחו קצר ימי!
²⁴אמר אלי אל תעלני בחצי ימי בדור דורים שנותיך:
²⁵לפנים הארץ יסדת ומעשה ידיך שמים
²⁶המה יאבדו ואתה תעמד וכלם כבגד יבלו כלבוש תחליפם ויחלפו
²⁷ואתה הוא ושנותיך לא יתמו
²⁸בני עבדיך ישכנו וזרעם לפניך יכון

הפרק 103

לדוד ברכי נפשי את יהוה וכל קרבי את שם קדשו
²ברכי נפשי את יהוה ואל תשכחי כל גמוליו
³הסלח לכל עונכי הרפא לכל תחלאיכי:
⁴הגואל משחת חייכי המעטרכי חסד ורחמים

⁵המשביע בטוב עדיך תתחדש כנשר נעורכי:
⁶עשה צדקות יהוה ומשפטים לכל עשוקים
⁷יודיע דרכיו למשה לבני ישראל עלילותיו
⁸רחום וחנון יהוה ארך אפים ורב חסד:
⁹לא לנצח יריב ולא לעולם יטוה
¹⁰לא כחטאינו עשה לנו ולא כעונותינו גמל עלינו
¹¹כי כגבה שמים על הארץ גבר חסדו על יראיו
¹²כרחק מזרח ממערב הרחיק ממנו את פשעינו
¹³כרחם אב על בנים רחם יהוה על יראיו
¹⁴כי הוא ידע יצרנו זכור כי עפר אנחנו
¹⁵אנוש כחציר ימיו כציץ השדה כן יציץ
¹⁶כי רוח עברה בו ואיננו ולא יכירנו עוד מקומו
¹⁷וחסד יהוה מעולם ועד עולם על יראיו וצדקתו לבני בנים
¹⁸לשמרי בריתו ולזכרי פקדיו לעשותם
¹⁹יהוה בשמים הכין כסאו ומלכותו בכל משלה
²⁰ברכו יהוה מלאכיו גברי כח עשי דברו לשמע בקול דברו
²¹ברכו יהוה כל צבאיו משרתיו עשי רצונו
²²ברכו יהוה כל מעשיו בכל מקמות ממשלתו ברכי נפשי את יהוה

הפרק 104

ברכי נפשי את יהוה יהוה אלהי גדלת מאד הוד והדר לבשת
²עטה אור כשלמה נוטה שמים כיריעה
³המקרה במים עליותיו השם עבים רכובו המהלך על כנפי רוח
⁴עשה מלאכיו רוחות משרתיו אש להט
⁵יסד ארץ על מכוניה בל תמוט עולם ועד:
⁶תהום כלבוש כסיתו על הרים יעמדו מים
⁷מן גערתך ינוסון מן קול רעמך יחפזון
⁸יעלו הרים ירדו בקעות אל מקום זה יסדת להם
⁹גבול שמת בל יעברון בל ישובון לכסות הארץ
¹⁰המשלח מעינים בנחלים בין הרים יהלכון
¹¹ישקו כל חיתו שדי ישברו פראים צמאם
¹²עליהם עוף השמים ישכון מבין עפאים יתנו קול
¹³משקה הרים מעליותיו מפרי מעשיך תשבע הארץ
¹⁴מצמיח חציר לבהמה ועשב לעבדת האדם להוציא לחם מן הארץ
¹⁵ויין ישמח לבב אנוש להצהיל פנים משמן ולחם לבב אנוש יסעד:
¹⁶ישבעו עצי יהוה ארזי לבנון אשר נטע
¹⁷אשר שם צפרים יקננו חסידה ברושים ביתה
¹⁸הרים הגבהים ליעלים סלעים מחסה לשפנים
¹⁹עשה ירח למועדים שמש ידע מבואו
²⁰תשת חשך ויהי לילה בו תרמש כל חיתו יער
²¹הכפירים שאגים לטרף ולבקש מאל אכלם
²²תזרח השמש יאספון ואל מעונתם ירבצון

²³יצא אדם לפעלו ולעבדתו עדי ערב
²⁴מה רבו מעשיך יהוה כלם בחכמה עשית מלאה הארץ קנינך
²⁵זה הים גדול ורחב ידים שם רמש ואין מספר חיות קטנות עם גדלות
²⁶שם אניות יהלכון לויתן זה יצרת לשחק בו
²⁷כלם אליך ישברון לתת אכלם בעתו
²⁸תתן להם ילקטון תפתח ירך ישבעון טוב
²⁹תסתיר פניך יבהלון תסף רוחם יגועון ואל עפרם ישובון
³⁰תשלח רוחך יבראון ותחדש פני אדמה
³¹יהי כבוד יהוה לעולם ישמח יהוה במעשיו
³²המביט לארץ ותרעד יגע בהרים ויעשנו
³³אשירה ליהוה בחיי אומרה לאלהי בעודי!
³⁴וערב עליו שיחי אנכי אשמח ביהוה
³⁵יתמו חטאים מן הארץ ורשעים עוד אינם ברכי נפשי את יהוה הללו יה

הפרק 105

הודו ליהוה קראו בשמו הודיעו בעמים עלילותיו
²שירו לו זמרו לו שיחו בכל נפלאותיו
³התהללו בשם קדשו ישמח לב מבקשי יהוה
⁴דרשו יהוה ועזו בקשו פניו תמיד:
⁵זכרו נפלאותיו אשר עשה מפתיו ומשפטיו פיו
⁶זרע אברהם עבדו בני יעקב בחיריו
⁷הוא יהוה אלהינו בכל הארץ משפטיו
⁸זכר לעולם בריתו דבר צוה לאלף דור
⁹אשר כרת את אברהם ושבועתו לישחק
¹⁰ויעמידה ליעקב לחק לישראל ברית עולם
¹¹לאמר לך אתן את ארץ כנען חבל נחלתכם
¹²בהיותם מתי מספר כמעט וגרים בה
¹³ויתהלכו מגוי אל גוי מממלכה אל עם אחר
¹⁴לא הניח אדם לעשקם ויוכח עליהם מלכים
¹⁵אל תגעו במשיחי ולנביאי אל תרעו
¹⁶ויקרא רעב על הארץ כל מטה לחם שבר
¹⁷שלח לפניהם איש לעבד נמכר יוסף
¹⁸ענו בכבל רגליו ברזל באה נפשו
¹⁹עד עת בא דברו אמרת יהוה צרפתהו
²⁰שלח מלך ויתירהו משל עמים ויפתחהו
²¹שמו אדון לביתו ומשל בכל קנינו
²²לאסר שריו בנפשו וזקניו יחכם
²³ויבא ישראל מצרים ויעקב גר בארץ חם
²⁴ויפר את עמו מאד ויעצמהו מצריו
²⁵הפך לבם לשנא עמו להתנכל בעבדיו
²⁶שלח משה עבדו אהרן אשר בחר בו
²⁷שמו בם דברי אתותיו ומפתים בארץ חם

²⁸שלח חשך ויחשך ולא מרו את דבריו
²⁹הפך את מימיהם לדם וימת את דגתם
³⁰שרץ ארצם צפרדעים בחדרי מלכיהם
³¹אמר ויבא ערב כנים בכל גבולם
³²נתן גשמייהם ברד אש להבות בארצם
³³ויך גפנם ותאנתם וישבר עץ גבולם
³⁴אמר ויבא ארבה וילק ואין מספר
³⁵ויאכל כל עשב בארצם ויאכל פרי אדמתם
³⁶ויך כל בכור בארצם ראשית לכל אונם
³⁷ויוציאם בכסף וזהב ואין בשבטיו כושל
³⁸שמח מצרים בצאתם כי נפל פחדם עליהם
³⁹פרש ענן למסך ואש להאיר לילה
⁴⁰שאל ויבא שלו ולחם שמים ישביעם
⁴¹פתח צור ויזובו מים הלכו בציות נהר
⁴²כי זכר את דבר קדשו את אברהם עבדו
⁴³ויוצא עמו בששון ברנה את בחיריו
⁴⁴ויתן להם ארצות גוים ועמל לאמים יירשו
⁴⁵בעבור ישמרו חקיו ותורתיו ינצרו הללו יה

הפרק 106

הללויה הודו ליהוה כי טוב כי לעולם חסדו
²מי ימלל גבורות יהוה ישמיע כל תהלתו
³אשרי שמרי משפט עשה צדקה בכל עת
⁴זכרני יהוה ברצון עמך פקדני בישועתך
⁵לראות בטובת בחיריך לשמח בשמחת גויך להתהלל עם נחלתך
⁶חטאנו עם אבותינו העוינו הרשענו
⁷אבותינו במצרים לא השכילו נפלאותיך לא זכרו את רב חסדיך וימרו על ים בים סוף
⁸ויושיעם למען שמו להודיע את גבורתו
⁹ויגער בים סוף ויחרב ויוליכם בתהמות כמדבר
¹⁰ויושיעם מיד שונא ויגאלם מיד אויב
¹¹ויכסו מים צריהם אחד מהם לא נותר
¹²ויאמינו בדבריו ישירו תהלתו
¹³מהרו שכחו מעשיו לא חכו לעצתו
¹⁴ויתאוו תאוה במדבר וינסו אל בשימון
¹⁵ויתן להם שאלתם וישלח רזון בנפשם
¹⁶ויקנאו למשה במחנה לאהרן קדוש יהוה
¹⁷תפתח ארץ ותבלע דתן ותכס על עדת אבירים
¹⁸ותבער אש בעדתם להבה תלהט רשעים
¹⁹יעשו עגל בחרב וישתחוו למסכח
²⁰וימירו את כבודם בתבנית שור אכל עשב
²¹שכחו אל מושיעם עשה גדלות במצרים
²²נפלאות בארץ חם נוראות על ים סוף

²³ ויאמר להשמידם לולי משה בחירו עמד בפרץ לפניו להשיב חמתו מהשחית
²⁴ וימאסו בארץ חמדה לא האמינו לדברו
²⁵ וירגנו באהליהם לא שמעו בקול יהוה
²⁶ וישא ידו להם להפיל אותם במדבה
²⁷ ולהפיל זרעם בגוים ולזרותם בארצות
²⁸ ויצמדו לבעל פעור ויאכלו זבחי מתים
²⁹ ויכעיסו במעלליהם ותפרץ בם מגפה
³⁰ ויעמד פינחס ויפלל ותעצר המגפה
³¹ ותחשב לו לצדקה לדר ודר עד עולם
³² ויקציפו על מי מריבה וירע למשה בעבורם
³³ כי המרו את רוחו ויבטא בשפתיו
³⁴ לא השמידו את העמים אשר אמר יהוה להם
³⁵ ויתערבו בגוים וילמדו מעשיהם
³⁶ ויעבדו את עצביהם ויהיו להם למוקש
³⁷ ויזבחו את בניהם ואת בנותיהם לשדים
³⁸ וישפכו דם נקי דם בניהם ובנותיהם אשר זבחו לעצבי כנען ותחנף הארץ בדמים
³⁹ ויטמאו במעשיהם ויזנו במעלליהם
⁴⁰ ויחר אף יהוה בעמו ויתעב את נחלתו
⁴¹ ויתנם ביד גוים וימשלו בהם שנאיהם
⁴² וילחצום אויביהם ויכנעו תחת ידם
⁴³ פעמים רבות יצילם והמה ימרו בעצתם וימכו בעונם
⁴⁴ וירא בצר להם בשמעו את רנתם
⁴⁵ ויזכר להם בריתו וינחם כרב חסדו
⁴⁶ ויתן אותם לרחמים לפני כל שוביהם
⁴⁷ הושיענו יהוה אלהינו וקבצנו מן הגוים להדות לשם קדשך להשתבח בתהלתך
⁴⁸ ברוך יהוה אלהי ישראל מן העולם ועד העולם ואמר כל העם אמן הללו יח

הפרק 107

הידו ליהוה כי טוב כי לעולם חסדו
² יאמרו גאולי יהוה אשר גאלם מיד צר
³ ומארצות קבצם ממזרח וממערב מצפון ומים
⁴ תעו במדבר בשימון דרך עיר מושב לא מצאו
⁵ רעבים גם צמאים נפשם בהם תתעטף
⁶ ויצעקו אל יהוה בצר להם ממצוקותיהם יצילם
⁷ וידריכם בדרך ישרה ללכת אל עיר מושב
⁸ יודו ליהוה חסדו ונפלאותיו לבני אדם
⁹ כי השביע נפש שקקה ונפש רעבה מלא טוב
¹⁰ ישבי חשך וצלמות אסירי עני וברזל
¹¹ כי המרו אמרי אל ועצת עליון נאצו
¹² ויכנע בעמל לבם כשלו ואין עזר
¹³ ויזעקו אל יהוה בצר להם ממצוקותיהם יושיעם
¹⁴ ויציאם מחשך וצלמות ומוסרותיהם ינתק

¹⁵ יודו ליהוה חסדו ונפלאותיו לבני אדם
¹⁶ כי שבר דלתות נחשת ובריחי ברזל גדע
¹⁷ אולים מדרך פשעם ומעונותיהם יתענו
¹⁸ כל אכל תתעב נפשם ויגיעו עד שערי מות
¹⁹ ויצעקו אל יהוה בצר להם ממצוקותיהם וישיעם
²⁰ ישלח דברו וירפאם וימלט משחיתותם
²¹ יודו ליהוה חסדו ונפלאותיו לבני אדם
²² ויזבח זבחי תודה ויספרו מעשיו ברנה
²³ יורדי הים באניות עשי מלאכה במים רבים
²⁴ ההמה ראו מעשי יהוה ונפלאותיו במצולה
²⁵ ויאמר ויעמד רוח סערה ותרומם גליו
²⁶ יעלו שמים ירדו תהומות נפשם ברעה תתמוגג
²⁷ יחוגו וינועו כשכור וכל חכמתם תתבלע
²⁸ ויצעקו אל יהוה בצר להם וממצוקותיהם יוציאם
²⁹ יקם סערה לדממה ויחשו גליהם
³⁰ וישמחו כי ישתקו וינחם אל מחוז חפצם
³¹ יודו ליהוה חסדו ונפלאותיו לבני אדם
³² וירממוהו בקהל עם ובמושב זקנים יהללוהו
³³ ישם נהרות למדבר ומצאי מים לצמאון
³⁴ ארץ פרי למלחה מרעת יושבי בה
³⁵ ישם מדבר לאגם מים וארץ ציה למצאי מים
³⁶ ויושב שם רעבים ויכוננו עיר מושב
³⁷ ויזרעו שדות ויטעו כרמים ויעשו פרי תבואה
³⁸ ויברכם וירבו מאד ובהמתם לא ימעט
³⁹ וימעטו וישחו מעצר רעה ויגון
⁴⁰ שפך בוז על נדיבים ויתעם בתהו לא דרך
⁴¹ וישגב אביון מעוני וישם כצאן משפחות
⁴² יראו ישרים וישמחו וכל עולה קפצה פיה
⁴³ מי חכם וישמר אלה ויתבוננו חסדי יהוה

הפרק 108

ש יר מזמור לדוד נכון לבי אלהים אשירה ואזמרה אף כבוד!
² עורה הנבל וכנור אעירה שחה
³ אודך בעמים יהוה ואזמרך בל אמים
⁴ כי גדול מעל שמים חסדך ועד שחקים אמתך
⁵ רומה על שמים אלהים ועל כל הארץ כבודך
⁶ למען יחלצון ידידיך הושיעה ימינך וענני!
⁷ אלהים דבר בקדשו אעלזה אחלקה שכם ועמק סכות אמדד
⁸ לי גלעד לי מנשה ואפרים מעוז ראשי יהודה מחקקי!
⁹ מואב סיר רחצי על אדום אשליך נעלי עלי פלשת אתרועע
¹⁰ מי יבלני עיר מבצר מי נחני עד אדום

¹¹הלא אלהים זנחתנו ולא תצא אלהים בצבאתינו

¹²הבה לנו עזרת מצר ושוא תשועת אדם

¹³באלהים נעשה חיל והוא יבוס צרינו

הפרק 109

למנצח לדוד מזמור אלהי תהלתי אל תחרש

²כי פי רשע ופי מרמה עלי פתחו דברו אתי לשון שקר

³ודברי שנאה סבבוני וילחמוני חנם

⁴תחת אהבתי ישטונוני ואני תפלה

⁵וישימו עלי רעה תחת טובה ושנאה תחת אהבתי

⁶הפקד עליו רשע ושטן יעמד על ימינו

⁷בהשפטו יצא רשע ותפלתו תהיה לחטאה

⁸יהיו ימיו מעטים פקדתו יקח אחר

⁹יהיו בניו יתומים ואשתו אלמנה

¹⁰ונוע ינועו בניו ושאלו ודרשו מחרבותיהם

¹¹ינקש נושה לכל אשר לו ויבזו זרים יגיעו

¹²אל יהי לו משך חסד ואל יהי חונן ליתומיו

¹³יהי אחריתו להכרית בדור אחר ימח שמם

¹⁴יזכר עון אבתיו אל יהוה וחטאת אמו אל תמח

¹⁵יהיו נגד יהוה תמיד ויכרת מארץ זכרם

¹⁶יען אשר לא זכר עשות חסד וירדף איש עני ואביון ונכאה לבב למותת

¹⁷ויאהב קללה ותבואהו ולא חפץ בברכה ותרחק ממנו

¹⁸וילבש קללה כמדו ותבא כמים בקרבו וכשמן בעצמותיו

¹⁹תהי לו כבגד יעטה ולמזח תמיד יחגרה

²⁰זאת פעלת שטני מאת יהוה והדברים רע על נפשי

²¹ואתה יהוה אדני עשה אתי למען שמך כי טוב חסדך הצינני

²²כי עני ואביון אנכי ולבי חלל בקרבי

²³כצל כנטותו נהלכתי ננערתי כארבה

²⁴ברכי כשלו מצום ובשרי כחש משמן

²⁵ואני הייתי חרפה להם יראוני יניעון ראשם

²⁶עזרני יהוה אלהי הושיעני כחסדך

²⁷וידעו כי ידך זאת אתה יהוה עשית

²⁸יקללו המה ואתה תברך קמו ויבשו ועבדך ישמח

²⁹ילבשו שוטני כלמה ויעטו כמעיל בשתם

³⁰אודה יהוה מאד בפי ובתוך רבים אהללנו

³¹כי יעמד לימין אביון להושיע משפטי נפשו

הפרק 110

לדוד מזמור נאם יהוה לאדני שב לימיני עד אשית איביך הדם לרגליך

²מטה עזך ישלח יהוה מציון רדה בקרב איביך

³עמך נדבת ביום חילך בהדרי קדש מרחם משחר לך טל ילדתך

⁴נשבע יהוה ולא ינחם אתה כהן לעולם על דברתי מלכי צדק
⁵אדני על ימינך מחץ ביום אפו מלכים
⁶ידין בגוים מלא גויות מחץ ראש על ארץ רבה
⁷מנחל בדרך ישתה על כן ירים ראש

הפרק 111

הללו יה אודה יהוה בכל לבב בסוד ישרים ועדה
²גדלים מעשי יהוה דרושים לכל חפציהם
³הוד והדר פעלו וצדקתו עמדת לעד
⁴זכר עשה לנפלאותיו חנון ורחום יהוה
⁵טרף נתן ליראיו יזכר לעולם בריתו
⁶כח מעשיו הגיד לעמו לתת להם נחלת גוים
⁷מעשי ידיו אמת ומשפט נאמנים כל פקודיו
⁸סמוכים לעד לעולם עשויים באמת וישר
⁹פדות שלח לעמו צוה לעולם בריתו קדוש ונורא שמו
¹⁰ראשית חכמה יראת יהוה שכל טוב לכל עשיהם תהלתו עמדת לעד

הפרק 112

הללו יה אשרי איש ירא את יהוה במצותיו חפץ מאד
²גבור בארץ יהיה זרעו דור ישרים יברך
³הון ועשר בביתו וצדקתו עמדת לעד
⁴זרח בחשך אור לישרים חנון ורחום וצדיק
⁵טוב איש חונן ומלוה יכלכל דבריו במשפט
⁶כי לעולם לא ימוט לזכר עולם יהיה צדיק
⁷משמועה רעה לא יירא נכון לבו בטח ביהוה
⁸סמוך לבו לא יירא עד אשר יראה בצריו
⁹פזר נתן לאביונים צדקתו עמדת לעד קרנו תרום בכבוד
¹⁰רשע יראה וכעס שניו יחרק ונמס תאות רשעים תאבד

הפרק 113

הללו יה הללו עבדי יהוה הללו את שם יהוה
²יהי שם יהוה מברך מעתה ועד עולם
³ממזרח שמש עד מבואו מהלל שם יהוה
⁴רם על כל גוים יהוה על השמים כבודו
⁵מי כיהוה אלהינו המגביהי לשבת
⁶המשפילי לראות בשמים ובארץ
⁷מקימי מעפר דל מאשפת ירים אביון
⁸להושיבי עם נדיבים עם נדיבי עמו
⁹מושיבי עקרת הבית אם הבנים שמחה הללו יה

הפרק 114

בצאת ישראל ממצרים בית יעקב מעם לעז¹
²היתה יהודה לקדשו ישראל ממשלותיו
³הים ראה וינס הירדן יסב לאחור
⁴ההרים רקדו כאילים גבעות כבני צאן
⁵מה לך הים כי תנוס הירדן תסב לאחור
⁶ההרים תרקדו כאילים גבעות כבני צאן
⁷מלפני אדון חולי ארץ מלפני אלוה יעקב
⁸ההפכי הצור אגם מים חלמיש למעינו מים

הפרק 115

לא לנו יהוה לא לנו כי לשמך תן כבוד על חסדך על אמתך
²למה יאמרו הגוים איה נא אלהיהם
³ואלהינו בשמים כל אשר חפץ עשה
⁴עצביהם כסף וזהב מעשה ידי אדם
⁵פה להם ולא ידברו עינים להם ולא יראו
⁶אזנים להם ולא ישמעו אף להם ולא יריחון
⁷ידיהם ולא ימישון רגליהם ולא יהלכו לא יהגו בגרונם
⁸כמוהם יהיו עשיהם כל אשר בטח בהם
⁹ישראל בטח ביהוה עזרם ומגנם הוא
¹⁰בית אהרן בטחו ביהוה עזרם ומגנם הוא
¹¹יראי יהוה בטחו ביהוה עזרם ומגנם הוא
¹²יהוה זכרנו יברך את בית ישראל יברך את בית אהרן
¹³יברך יראי יהוה הקטנים עם הגדלים
¹⁴יסף יהוה עליכם עליכם ועל בניכם
¹⁵ברוכים אתם ליהוה עשה שמים וארץ
¹⁶השמים שמים ליהוה והארץ נתן לבני אדם
¹⁷לא המתים יהללו יה ולא כל ירדי דומה
¹⁸ואנחנו נברך יה מעתה ועד עולם הללו יה

הפרק 116

אהבתי כי ישמע יהוה את קולי תחנוני:
²כי הטה אזנו לי ובימי אקרא
³אפפוני חבלי מות ומצרי שאול מצאוני צרה ויגון אמצא
⁴ובשם יהוה אקרא אנה יהוה מלטה נפשי:
⁵חנון יהוה וצדיק ואלהינו מרחם
⁶שמר פתאים יהוה דלותי ולי יהושיע
⁷שובי נפשי למנוחיכי כי יהוה גמל עליכי:
⁸כי חלצת נפשי ממות את עיני מן דמעה את רגלי מדח:
⁹אתהלך לפני יהוה בארצות החיים

¹⁰האמנתי כי אדבר אני עניתי מאד:
¹¹אני אמרתי בחפזי כל האדם כזב
¹²מה אשיב ליהוה כל תגמולוהי עלי!
¹³כוס ישועות אשא ובשם יהוה אקרא
¹⁴נדרי ליהוה אשלם נגדה נא לכל עמו
¹⁵יקר בעיני יהוה המותה לחסידי
¹⁶אנה יהוה כי אני עבדך אני עבדך בן אמתך פתחת למוסרי:
¹⁷לך אזבח זבח תודה ובשם יהוה אקרא
¹⁸נדרי ליהוה אשלם נגדה נא לכל עמו
¹⁹בחצרות בית יהוה בתוככי ירושלם הללו יה

הפרק 117

הללו את יהוה כל גוים שבחוהו כל האמים
²כי גבר עלינו חסדו ואמת יהוה לעולם הללו יה

הפרק 118

הודו ליהוה כי טוב כי לעולם חסדו
²יאמר נא ישראל כי לעולם חסדו
³יאמרו נא בית אהרן כי לעולם חסדו
⁴יאמרו נא יראי יהוה כי לעולם חסדו
⁵מן המצר קראתי יה ענני במרחב יה
⁶יהוה לי לא אירא מה יעשה לי אדם
⁷יהוה לי בעזרי ואני אראה בשנאי
⁸טוב לחסות ביהוה מבטח באדם
⁹טוב לחסות ביהוה מבטח בנדיבים
¹⁰כל גוים סבבוני בשם יהוה כי אמילם
¹¹סבוני גם סבבוני בשם יהוה כי אמילם
¹²סבוני כדבורים דעכו כאש קוצים בשם יהוה כי אמילם
¹³דחה דחיתני לנפל ויהוה עזרני!
¹⁴עזי וזמרת יה ויהי לי לישועה
¹⁵קול רנה וישועה באהלי צדיקים ימין יהוה עשה חיל
¹⁶ימין יהוה רוממה ימין יהוה עשה חיל
¹⁷לא אמות כי אחיה ואספר מעשי יה
¹⁸יסר יסרני יה ולמות לא נתנני!
¹⁹פתחו לי שערי צדק אבא בם אודה יה
²⁰זה השער ליהוה צדיקים יבאו בו
²¹אודך כי עניתני ותהי לי לישועה
²²אבן מאסו הבונים היתה לראש פנה
²³מאת יהוה היתה זאת היא נפלאת בעינינו
²⁴זה היום עשה יהוה נגילה ונשמחה בו
²⁵אנא יהוה הושיעה נא אנא יהוה הצליחה נא

²⁶ ברוך הבא בשם יהוה ברכנוכם מבית יהוה
²⁷ אל יהוה ויאר לנו אסרו חג בעבתיים עד קרנות המזבח
²⁸ אלי אתה ואודך אלהי ארוממך
²⁹ הודו ליהוה כי טוב כי לעולם חסדו

הפרק 119

אשרי תמימי דרך ההלכים בתורת יהוה
² אשרי נצרי עדתיו בכל לב ידרשוהו
³ אף לא פעלו עולה בדרכיו הלכו
⁴ אתה צויתה פקדיך לשמר מאד
⁵ אחלי יכנו דרכי לשמר חקיך
⁶ אז לא אבוש בהביטי אל כל מצותיך
⁷ אודך בישר לבב בלמדי משפטי צדקך
⁸ את חקיך אשמר אל תעזבני עד מאד
⁹ במה יזכה נער את ארחו לשמר כדברך
¹⁰ בכל לבי דרשתיך אל תשגני ממצותיך
¹¹ בלבי צפנתי אמרתך למען לא אחטא לך
¹² ברוך אתה יהוה למדני חקיך
¹³ בשפתי ספרתי כל משפטי פיך
¹⁴ בדרך עדותיך ששתי כעל כל הון
¹⁵ בפקדיך אשיחה ואביטה ארחתיך
¹⁶ בחקתיך אשתעשע לא אשכח דברך
¹⁷ גמל על עבדך אחיה ואשמרה דברך
¹⁸ גל עיני ואביטה נפלאות מתורתך
¹⁹ גר אנכי בארץ אל תסתור ממני מצותיך
²⁰ גרסה נפשי לתאבה אל משפטיך בכל עת
²¹ גערת זדים ארורים השגים ממצותיך
²² גל מעלי חרפה ובוז כי עדתיך נצרת!
²³ גם ישבו שרים בי נדברו עבדך ישיח בחקיך
²⁴ גם עדתיך שעשעי אנשי עצת!
²⁵ דבקה לעפר נפשי חני כדברך
²⁶ דרכי ספרתי ותענני למדני חקיך
²⁷ דרך פקודיך הבינני ואשיחה בנפלאותיך
²⁸ דלפה נפשי מתוגה קימני כדברך
²⁹ דרך שקר הסר ממני ותורתך חנני!
³⁰ דרך אמונה בחרתי משפטיך שויתי!
³¹ דבקתי בעדותיך יהוה אל תבישני!
³² דרך מצותיך ארוץ כי תרחיב לבי!
³³ הורני יהוה דרך חקיך ואצרנה עקב
³⁴ הבינני ואצרה תורתך ואשמרנה בכל לב
³⁵ הדריכני בנתיב מצותיך כי בו חפצתי!
³⁶ הט לבי אל עדותיך ואל אל בצע

³⁷העבר עיני מראות שוא בדרכך חני!
³⁸הקם לעבדך אמרתך אשר ליראתך
³⁹העבר חרפתי אשר יגרת כי משפטיך טובים
⁴⁰הנה תאבתי לפקדיך בצדקתך חני!
⁴¹ויבאני חסדך יהוה תשועתך כאמרתך
⁴²ואענה חרפי דבר כי בטחתי בדברך
⁴³ואל תצל מפי דבר אמת עד מאד כי למשפטך יחלתי!
⁴⁴ואשמרה תורתך תמיד לעולם ועד
⁴⁵ואתהלכה ברחבה כי פקדיך דרשתי!
⁴⁶ואדברה בעדתיך נגד מלכים ולא אבוש
⁴⁷ואשתעשע במצותיך אשר אהבתי!
⁴⁸ואשא כפי אל מצותיך אשר אהבתי ואשיחה בחקיך
⁴⁹זכר דבר לעבדך על אשר יחלתי!
⁵⁰זאת נחמתי בעניי כי אמרתך חיתני!
⁵¹זדים הליצני עד מאד מתורתך לא נטיתי!
⁵²זכרתי משפטיך מעולם יהוה ואתנחם
⁵³זלעפה אחזתני מרשעים עזבי תורתך
⁵⁴זמרות היו לי חקיך בבית מגורי!
⁵⁵זכרתי בלילה שמך יהוה ואשמרה תורתך
⁵⁶זאת היתה לי כי פקדיך נצרת!
⁵⁷חלקי יהוה אמרתי לשמר דבריך
⁵⁸חליתי פניך בכל לב חנני כאמרתך
⁵⁹חשבתי דרכי ואשיבה רגלי אל עדתיך
⁶⁰חשתי ולא התמהמהתי לשמר מצותיך
⁶¹חבלי רשעים עודני תורתך לא שכחתי!
⁶²חצות לילה אקום להודות לך על משפטי צדקך
⁶³חבר אני לכל אשר יראוך ולשמרי פקודיך
⁶⁴חסדך יהוה מלאה הארץ חקיך למדני!
⁶⁵טוב עשית עם עבדך יהוה כדברך
⁶⁶טוב טעם ודעת למדני כי במצותיך האמנות!
⁶⁷טרם אענה אני שגג ועתה אמרתך שמרתי!
⁶⁸טוב אתה ומטיב למדני חקיך
⁶⁹טפלו עלי שקר זדים אני בכל לב אצר פקודיך
⁷⁰טפש כחלב לבם אני תורתך שעשעתי!
⁷¹טוב לי כי ענית למען אלמד חקיך
⁷²טוב לי תורת פיך מאלפי זהב וכסף
⁷³ידיך עשוני ויכוננוני הבינני ואלמדה מצותיך
⁷⁴יראיך יראוני וישמחו כי לדברך יחלתי!
⁷⁵ידעתי יהוה כי צדק משפטיך ואמונה עניתני!
⁷⁶יהי נא חסדך לנחמני כאמרתך לעבדך
⁷⁷יבאוני רחמיך ואחיה כי תורתך שעשעתי!
⁷⁸יבשו זדים כי שקר עותוני אני אשיח בפקודיך
⁷⁹ישובו לי יראיך וידעו עדתיך

⁸⁰יהי לבי תמים בחקיק למען לא אבוש
⁸¹כלתה לתשועתך נפשי לדברך יחלתי!
⁸²כלו עיני לאמרתך לאמר מתי תנחמני!
⁸³כי הייתי כנאד בקיטור חקיק לא שכחתי!
⁸⁴כמה ימי עבדך מתי תעשה ברדפי משפט
⁸⁵כרו לי זדים שיחות אשר לא כתורתך
⁸⁶כל מצותיך אמונה שקר רדפוני עזרני!
⁸⁷כמעט כלוני בארץ ואני לא עזבתי פקודיך
⁸⁸כחסדך חני ואשמרה עדות פיך
⁸⁹לעולם יהוה דברך נצב בשמים
⁹⁰לדר ודר אמונתך כוננת ארץ ותעמד
⁹¹למשפטיך עמדו היום כי הכל עבדיך
⁹²לולי תורתך שעשעי אז אבדתי בעני!
⁹³לעולם לא אשכח פקודיך כי במ חיייתי!
⁹⁴לך אני הושיעני כי פקודיך דרשתי!
⁹⁵לי קוו רשעים לאבדני עדתיך אתבונן
⁹⁶לכל תכלה ראיתי קץ רחבה מצותך מאד
⁹⁷מה אהבתי תורתך כל היום היא שיחתי!
⁹⁸מאיבי תחכמני מצותך כי לעולם היא לי!
⁹⁹מכל מלמדי השכלתי כי עדותיך שיחה לי!
¹⁰⁰מזקנים אתבונן כי פקודיך נצרת!
¹⁰¹מכל ארח רע כלאתי רגלי למען אשמר דברך
¹⁰²ממשפטיך לא סרתי כי אתה הורתני!
¹⁰³מה נמלצו לחכי אמרתך מדבש לפי!
¹⁰⁴מפקודיך אתבונן על כן שנאתי כל ארח שקר
¹⁰⁵נר לרגלי דברך ואור לנתיבותי!
¹⁰⁶נשבעתי ואקימה לשמר משפטי צדקך
¹⁰⁷נעניתי עד מאד יהוה חני כדברך
¹⁰⁸נדבות פי רצה נא יהוה ומשפטיך למדני!
¹⁰⁹נפשי בכפי תמיד ותורתך לא שכחתי!
¹¹⁰נתנו רשעים פח לי ומפקודיך לא תעיתי!
¹¹¹נחלתי עדותיך לעולם כי ששון לבי המה
¹¹²נטיתי לבי לעשות חקיק לעולם עקב
¹¹³סעפים שנאתי ותורתך אהבתי!
¹¹⁴סתרי ומגני אתה לדברך יחלתי!
¹¹⁵סורו ממני מרעים ואצרה מצות אלה!
¹¹⁶סמכני כאמרתך ואחיה ואל תבישני משברי!
¹¹⁷סעדני ואושעה ואשעה בחקיק תמידי
¹¹⁸סלית כל שוגים מחקיק כי שקר תרמיתם
¹¹⁹סגים השבת כל רשעי ארץ לכן אהבתי עדתיך
¹²⁰סמר מפחדך בשרי וממשפטיך יראתי!
¹²¹עשיתי משפט וצדק בל תניחני לעשקי!
¹²²ערב עבדך לטוב אל יעשקני זדים

¹²³עֵינִי כֹלֹ לִישׁוּעֶתְךָ וְלֹאמַרְתָּ צְדָקָה;
¹²⁴עֲשֵׂה עִם עַבְדְּךָ כַּחֲסֹדֶךָ וְחִקֵּךָ לִמְדִנִּי;
¹²⁵עַבְדְּךָ אֲנִי הַבִּינִי וְאֲדַעַה עֲדֹתֶיךָ;
¹²⁶עַתָּה לַעֲשׂוֹת לַיהוָה הִפְרוּ תוֹרֶתְךָ;
¹²⁷עַל כֵּן אֶהְבֵּתִי מִצְוֹתֶיךָ מִזֶּהָב וּמִפֶּזֶז;
¹²⁸עַל כֵּן כָּל פְּקוּדֵי כָל יִשְׁרָתִי כָל אֶרֶץ שִׁקְרֵי שְׁנֵאתִי;
¹²⁹פְּלָאוֹת עֲדוֹתֶיךָ עַל כֵּן נִצְרַתָּם נִפְשִׁי;
¹³⁰פָּתַח דְּבָרֶיךָ יֹאִיר מִבֵּין פִּתְיִים;
¹³¹פִּי פִּעַרְתִּי וְאֶשְׁאֲפֶה כִּי לִמִּצְוֹתֶיךָ יֹאבֶתִי;
¹³²פָּנָה אֵלַי וְחֲנִנִי כִּמְשַׁפֵּט לֹאֲהַבִּי שִׁמְךָ;
¹³³פַּעֲמֵי הַכֵּן בְּאִמְרֶתְךָ וְאֵל תִּשְׁלַט בִּי כֹל אֹן;
¹³⁴פָּדֵנִי מִעֲשֵׁק אָדָם וְאֶשְׁמְרָה פְּקוּדֶיךָ;
¹³⁵פָּנִיךָ הָאֵר בְּעַבְדְּךָ וְלִמְדִנִּי אֶת חִקֶּיךָ;
¹³⁶פִּלְגֵי מַיִם יִרְדּוּ עֵינִי עַל לֹא שִׁמְרוּ תוֹרֶתְךָ;
¹³⁷צְדִיק אֶתָּה יְהוָה וְיֹשֶׁר מִשְׁפָּטֶיךָ;
¹³⁸צִוִּיתָ צְדָק עֲדֹתֶיךָ וְאִמּוֹנָה מֵאֵד;
¹³⁹צִמַּתְתָּנִי קִנְאֹתִי כִּי שִׁכַּחוּ דְּבָרֶיךָ צִרִּי;
¹⁴⁰צְרוּפָה אִמְרֶתְךָ מֵאֵד וְעַבְדְּךָ אֶהְבֵּחַ;
¹⁴¹צַעִיר אֲנִי וְנִבְזָה פִּקְדֶיךָ לֹא שִׁכַּחְתִּי;
¹⁴²צִדְקָתְךָ צְדָק לְעוֹלָם וְתוֹרֶתְךָ אִמֵּת;
¹⁴³צַר וּמִצּוֹק מִצְאוֹנִי מִצְוֹתֶיךָ שַׁעֲשַׁעִי;
¹⁴⁴צְדָק עֲדוֹתֶיךָ לְעוֹלָם הַבִּינִי וְאֶחֱיָה;
¹⁴⁵קִרְאֹתִי בְּכָל לֵב עֲנֵנִי יְהוָה חִקֵּךְ אֲצַרֵּחַ;
¹⁴⁶קִרְאֹתֶיךָ הוֹשִׁיעֵנִי וְאֶשְׁמְרָה עֲדֹתֶיךָ;
¹⁴⁷קִדְמָתִי בְּנִשְׁפָּה וְאֶשׁוּעָה לְדְבָרֶיךָ יַחֲלֹתִי;
¹⁴⁸קִדְמוּ עֵינִי אֶשְׁמְרוֹת לְשִׁיחַ בְּאִמְרֶתְךָ;
¹⁴⁹קוֹלִי שָׁמְעָה כַּחֲסֹדֶךָ יְהוָה כִּמְשַׁפֵּט חֲיִנִּי;
¹⁵⁰קִרְבוּ רַדְפֵּי זִמָּה מִתּוֹרֶתְךָ רַחֲקוּ;
¹⁵¹קִרְבֹּב אֶתָּה יְהוָה וְכֹל מִצְוֹתֶיךָ אִמֵּת;
¹⁵²קִדְמָה יִדְעֹתִי מִעֲדֹתֶיךָ כִּי לְעוֹלָם יִסְדָּתָם;
¹⁵³רְאֵה עֲנִי וְחַלְצֵנִי כִּי תוֹרֶתְךָ לֹא שִׁכַּחְתִּי;
¹⁵⁴רִיבָה רִיבִי וְגֹאֲלִנִי לֹאֲמַרְתָּ חֲיִנִּי;
¹⁵⁵רַחוּק מִרְשָׁעִים יִשׁוּעָה כִּי חִקֵּךְ לֹא דִרְשׁוּ;
¹⁵⁶רַחֲמִיךָ רַבִּים יְהוָה כִּמְשַׁפֵּטֶיךָ חֲיִנִּי;
¹⁵⁷רַבִּים רַדְפֵּי וְצָרִי מִעֲדוֹתֶיךָ לֹא נִטִּיתִי;
¹⁵⁸רִאִיתִי בְּגָדִים וְאֶתְקוּטְטָה אֲשֶׁר אִמְרֶתְךָ לֹא שִׁמְרוּ;
¹⁵⁹רְאֵה כִּי פְקוּדֶיךָ אֶהְבֵּתִי יְהוָה כַּחֲסֹדֶךָ חֲיִנִּי;
¹⁶⁰רֹאשׁ דְּבָרְךָ אִמֵּת וְלְעוֹלָם כֹּל מִשְׁפָּט צְדָקָה;
¹⁶¹שָׁרִים רַדְפוּנִי חֲנָם וּמִדְּבָרֶיךָ פָּחַד לִבִּי;
¹⁶²שֵׁשׁ אֲנִי עַל אִמְרֶתְךָ כִּמּוּצָא שֶׁלֵּל רַב;
¹⁶³שִׁקְרֵי שְׁנֵאתִי וְאֶתְעַבֶּה תוֹרֶתְךָ אֶהְבֵּתִי;
¹⁶⁴שֶׁבַע בְּיוֹם הַלֵּלְתִּיךָ עַל מִשְׁפָּטֶיךָ צְדָקָה;
¹⁶⁵שְׁלוֹם רַב לֹאֲהַבִּי תוֹרֶתְךָ וְאֵין לְמוֹ מִכְשׁוֹל

¹⁶⁶ שברתי לישועתך יהוה ומצותיך עשיתי:
¹⁶⁷ שמרה נפשי עדתיך ואהבם מאד
¹⁶⁸ שמרתי פקודיך ועדתיך כי כל דרכי נגדך
¹⁶⁹ תקרב רנתי לפניך יהוה כדברך הבינני!
¹⁷⁰ תבוא תחנתי לפניך כאמרתך הצילני!
¹⁷¹ תבענה שפתי תהלה כי תלמדני חקיך
¹⁷² תען לשוני אמרתך כי כל מצותיך צדק
¹⁷³ תהי ידך לעזרני כי פקודיך בחרתי:
¹⁷⁴ תאבתי לישועתך יהוה ותורתך שעשע:
¹⁷⁵ תחי נפשי ותהללך ומשפטך יעזרני:
¹⁷⁶ תעיתי כשה אבד בקש עבדך כי מצותיך לא שכחתי:

הפרק 120

שיר המעלות אל יהוה בצרתה לי קראתי ויענני:
² יהוה הצילה נפשי משפת שקר מלשון רמיה
³ מה יתן לך ומה יסיף לך לשון רמיה
⁴ חצי גבור שנונים עם גחלי רתמים
⁵ אויה לי כי גרתי משך שכנתי עם אהלי קדר
⁶ רבת שכנה לה נפשי עם שונא שלום
⁷ אני שלום וכי אדבר המה למלחמה

הפרק 121

שיר למעלות אשא עיני אל ההרים מאין יבא עזרי:
² עזרי מעם יהוה עשה שמים וארץ
³ אל יתן למוט רגלך אל ינום שמרך
⁴ הנה לא ינום ולא יישן שומר ישראל
⁵ יהוה שמרך יהוה צלך על יד ימינך
⁶ יומם השמש לא יככה וירח בלילה
⁷ יהוה ישמרך מכל רע ישמר את נפשך
⁸ יהוה ישמר צאתך ובואך מעתה ועד עולם

הפרק 122

שיר המעלות לדוד שמחתי באמרים לי בית יהוה נלך
² עמדות היו רגלינו בשעריך ירושלם
³ ירושלם הבנויה כעיר שחברה לה יחדו
⁴ ששם עלו שבטים שבטי יה עדות לישראל להדות לשם יהוה
⁵ כי שמה ישבו כסאות למשפט כסאות לבית דויד
⁶ שאלו שלום ירושלם ישליו אהביך

⁷יהי שלום בחילך שלוח בארמנותיך

⁸למען אחי ורעי אדברה נא שלום בך

⁹למען בית יהוה אלהינו אבקשה טוב לך

הפרק 123

שיר המעלות אליך נשאתי את עיני הישבי בשמים

²הנה כעיני עבדים אל יד אדוניהם כעיני שפחה אל יד גברתה כן עינינו אל יהוה אלהינו עד שיחננו

³חננו יהוה חננו כי רב שבענו בוז

⁴רבת שבעה לה נפשנו הלעג השאננים הבוז לגאיונים

הפרק 124

שיר המעלות לדוד לולי יהוה שהיה לנו יאמר נא ישראל

²לולי יהוה שהיה לנו בקום עלינו אדם

³אזי חיים בלעונו בחרות אפם בנו

⁴אזי המים שטפנו נחלה עבר על נפשנו

⁵אזי עבר על נפשנו המים הזידונים

⁶ברוך יהוה שלא נתנו טרף לשניהם

⁷נפשנו כצפור נמלטה מפח יוקשים הפח נשבר ואנחנו נמלטנו

⁸עזרנו בשם יהוה עשה שמים וארץ

הפרק 125

שיר המעלות הבטחים ביהוה כהר ציון לא ימוט לעולם ישב

²ירושלם הרים סביב לה ויהוה סביב לעמו מעתה ועד עולם

³כי לא ינוח שבט הרשע על גורל הצדיקים למען לא ישלחו הצדיקים בעולתה ידיהם

⁴היטיבה יהוה לטובים ולישרים בלבותם

⁵והמטים עקלקלותם יוליכם יהוה את פעלי האון שלום על ישראל

הפרק 126

שיר המעלות בשוב יהוה את שיבת ציון היינו כחלמים

²אז ימלא שחוק פינו ולשוננו רנה אז יאמרו בגוים הגדיל יהוה לעשות עם אלה

³הגדיל יהוה לעשות עמנו היינו שמחים

⁴שובה יהוה את שבותנו כאפיקים בנגב

⁵הזרעים בדמעה ברנה יקצרו

⁶הלוך ילך ובכה נשא משך הזרע בא יבוא ברנה נשא אלמתיו

הפרק 127

שיר המעלות לשלמה אם יהוה לא יבנה בית שוא עמלו בוניו בו אם יהוה לא ישמר עיר שוא שקד שומה

²שוא לכם משכימי קום מאחרי שבת אכלי לחם העצבים כן יתן לידידו שוא

³הנה נחלת יהוה בנים שכר פרי הבטן

⁴כחצים ביד גבור כן בני הנעורים

⁵אשרי הגבר אשר מלא את אשפתו מהם לא יבשו כי ידברו את אויבים בשעה

הפרק 128

שיר המעלות אשרי כל ירא יהוה ההלך בדרכיו

²יגיע כפיו כי תאכל אשריו וטוב לו

³אשתך כגפן פריה ברכתי ביתך בניך כשתלי זיתים סביב לשלחנך

⁴הנה כי כן יברך גבר ירא יהוה

⁵יברך יהוה מציון וראה בטוב ירושלם כל ימי חייו

⁶וראה בנים לבניך שלום על ישראל

הפרק 129

שיר המעלות רבת צררוני מנעורי יאמר נא ישראל

²רבת צררוני מנעורי גם לא יכלו לי

³על גבי חרשו חרשים האריכו למענותם

⁴יהוה צדיק קצץ עבות רשעים

⁵יבשו ויסגו אחור כל שנאי ציון

⁶יהיו כחציר גגות שקדמת שלף יבש

⁷שלא מלא כפו קוצר וחצנו מעמה

⁸ולא אמרו העברים ברכת יהוה אליכם ברכנו אתכם בשם יהוה

הפרק 130

שיר המעלות ממעמקים קראתיך יהוה

²אדני שמעה בקולי תהינה אזניך קשבות לקול תחנוני

³אם עונות תשמר יה אדני מי יעמד

⁴כי עמך הסליחה למען תורא

⁵קויתי יהוה קותה נפשי ולדברו הוחלתי

⁶נפשי לאדני משמרים לבקר שמרים לבק

⁷יחל ישראל אל יהוה כי עם יהוה החסד והרבה עמו פדות

⁸והוא יפדה את ישראל מכל עונותיו

הפרק 131

ש יר המעלות לדוד יהוה לא גבה לבי ולא רמו עיני ולא הלכתי בגדלות ובנפלאות ממני:
²אם לא שויתי ודוממתי נפשי כגמל עלי אמו כגמל עלי נפשי:
³ יחל ישראל אל יהוה מעתה ועד עולם

הפרק 132

ש יר המעלות זכור יהוה לדוד את כל ענותו
²אשר נשבע ליהוה נדר לאביר יעקב
³אם אבא באהל ביתי אם אעלה על ערש יצועי:
⁴אם אתן שנת לעיני לעפעפי תנומה
⁵עד אמצא מקום ליהוה משכנות לאביר יעקב
⁶הנה שמענוה באפרתה מצאנוה בשדי יעה
⁷נבואה למשכנותיו נשתחוה להדם רגליו
⁸קומה יהוה למנוחתך אתה וארון עזך
⁹כהניך ילבשו צדק וחסידיך ירננו
¹⁰בעבור דוד עבדך אל תשב פני משיחך
¹¹נשבע יהוה לדוד אמת לא ישוב ממנה מפרי בטנך אשית לכסא לך
¹²אם ישמרו בניך בריתי ועדתי זו אלמדם גם בניהם עדי עד ישבו לכסא לך
¹³כי בחר יהוה בציון אוה למושב לו
¹⁴זאת מנוחתי עדי עד פה אשב כי אותיה
¹⁵צידה ברך אברך אביוניה אשביע לחם
¹⁶וכהניה אלביש ישע וחסידיה רנן ירננו
¹⁷שם אצמיח קרן לדוד ערכתי נר למשיח:
¹⁸אויביו אלביש בשת ועליו יציץ נזרו

הפרק 133

ש יר המעלות לדוד הנה מה טוב ומה נעים שבת אחים גם יחד:
²כשמן הטוב על הראש ירד על הזקן זקן אהרן שירד על פי מדותיו
³כטל חרמון שירד על הררי ציון כי שם צוה יהוה את הברכה חיים עד העולם

הפרק 134

ש יר המעלות הנה ברכו את יהוה כל עבדי יהוה העמדים בבית יהוה בלילות
²שאז ידכם קדש וברכו את יהוה
³יברכך יהוה מציון עשה שמים וארץ

הפרק 135

ה ללו יה הללו את שם יהוה הללו עבדי יהוה
²שעמדים בבית יהוה בחצרות בית אלהינו
³הללו יה כי טוב יהוה זמרו לשמו כי נעים

⁴כי יעקב בחר לו יה ישראל לסגלתו
⁵כי אני ידעתי כי גדול יהוה ואדנינו מכל אלהים
⁶כל אשר חפץ יהוה עשה בשמים ובארץ בימים וכל תהומות
⁷מעלה נשאים מקצה הארץ ברקים למטר עשה מוצא רוח מאוצרותיו
⁸שהכה בכורי מצרים מאדם עד בהמה
⁹שלח אתות ומפתים בתוככי מצרים בפרעה ובכל עבדיו
¹⁰שהכה גוים רבים והרג מלכים עצומים
¹¹לסיחון מלך האמרי ולעוג מלך הבשן ולכל ממלכות כנען
¹²ונתן ארצם נחלה נחלה לישראל עמו
¹³יהוה שמך לעולם יהוה זכרך לדר ודר
¹⁴כי ידין יהוה עמו ועל עבדיו יתנחם
¹⁵עצבי הגוים כסף וזהב מעשה ידי אדם
¹⁶פה להם ולא ידברו עינים להם ולא יראו
¹⁷אזנים להם ולא יאזינו אף אין יש רוח בפיהם
¹⁸כמוהם יהיו עשיהם כל אשר בטח בהם
¹⁹בית ישראל ברכו את יהוה בית אהרן ברכו את יהוה
²⁰בית הלוי ברכו את יהוה יראי יהוה ברכו את יהוה
²¹ברוך יהוה מציון שכן ירושלם הללו יה

הפרק 136

הודו ליהוה כי טוב כי לעולם חסדו
²הודו לאלהי האלהים כי לעולם חסדו
³הודו לאדני האדנים כי לעולם חסדו
⁴לעשה נפלאות גדלות לבדו כי לעולם חסדו
⁵לעשה השמים בתבונה כי לעולם חסדו
⁶לרקע הארץ על המים כי לעולם חסדו
⁷לעשה אורים גדלים כי לעולם חסדו
⁸את השמש לממשלת ביום כי לעולם חסדו
⁹את הירח וכוכבים לממשלות בלילה כי לעולם חסדו
¹⁰למכה מצרים בבכוריהם כי לעולם חסדו
¹¹ויוצא ישראל מתוכם כי לעולם חסדו
¹²ביד חזקה ובזרוע נטויה כי לעולם חסדו
¹³לגזר ים סוף לגזרים כי לעולם חסדו
¹⁴והעביר ישראל בתוכו כי לעולם חסדו
¹⁵ונער פרעה וחילו בים סוף כי לעולם חסדו
¹⁶למוליך עמו במדבר כי לעולם חסדו
¹⁷למכה מלכים גדלים כי לעולם חסדו
¹⁸ויהרג מלכים אדירים כי לעולם חסדו
¹⁹לסיחון מלך האמרי כי לעולם חסדו
²⁰ולעוג מלך הבשן כי לעולם חסדו
²¹ונתן ארצם לנחלה כי לעולם חסדו
²²נחלה לישראל עבדו כי לעולם חסדו

²³שבשפלנו זכר לנו כי לעולם חסדו
²⁴ויפרקנו מצרינו כי לעולם חסדו
²⁵נתן לחם לכל בשר כי לעולם חסדו
²⁶הודו לאל השמים כי לעולם חסדו

הפרק 137

על נהרות בבל שם ישבנו גם בכינו בזכרנו את ציון
²על ערבים בתוכה תלינו כנרותינו
³כי שם שאלונו שובינו דברי שיר ותוללינו שמחה שירו לנו משיר ציון
⁴איך נשיר את שיר יהוה על אדמת נכח
⁵אם אשכחך ירושלם תשכח ימיני
⁶תדבק לשוני לחכי אם לא אזכרכי אם לא אעלה את ירושלם על ראש שמחתי
⁷זכר יהוה לבני אדום את יום ירושלם האמרים ערו ערו עד היסוד בה
⁸בת בבל השדודה אשרי שישלם לך את גמולך שגמלת לנו
⁹אשרי שיאחז ונפץ את עלליך אל הסלע

הפרק 138

לדוד אודך בכל לבי נגד אלהים אזמרך
²אשתחוה אל היכל קדשך ואודה את שמך על חסדך ועל אמתך כי הגדלת על כל שמך אמרתך
³ביום קראתי ותענני תרהבני בנפשי עז
⁴יודוך יהוה כל מלכי ארץ כי שמעו אמרי פיך
⁵וישירו בדרכי יהוה כי גדול כבוד יהוה
⁶כי רם יהוה ושפל יראה וגבה ממרחק יידע
⁷אם אלך בקרב צרה תחיני על אף איבי תשלח ידך ותושיעני ימינך
⁸יהוה יגמר בעדי יהוה חסדך לעולם מעשי ידך אל תרף

הפרק 139

למנצח לדוד מזמור יהוה חקרתני ותדע
²אתה ידעת שבתי וקומי בנתה לרעי מרחוק
³ארחי ורבעי זרית וכל דרכי הסכנתה
⁴כי אין מלה בלשוני הן יהוה ידעת כלה
⁵אחור וקדם צרתני ותשת עלי כפכח
⁶פלאיה דעת ממני נשגבה לא אוכל לה
⁷אנה אלך מרוחק ואנה מפניך אברח
⁸אם אסק שמים שם אתה ואציעה שאול הנך
⁹אשא כנפי שחר אשכנה באחרית ים
¹⁰גם שם ידך תנחני ותאחזני ימינך
¹¹ואמר אך חשך ישופני ולילה אור בעדני
¹²גם חשך לא יחשיך ממך ולילה כיום יאיר כחשיכה כאורה
¹³כי אתה קנית כליתי תסכני בבטן אמי

¹⁴אודך על כי נוראות נפליתי נפלאים מעשיך ונפשי ידעת מאז:
¹⁵לא נכחד עצמי ממך אשר עשיתי בסתר רקמתי בתחתיות ארץ
¹⁶גלמי ראו עיניך ועל ספרך כלם יכתבו ימים יצרו ולא אחד בהם
¹⁷ולי מה יקרו רעיק אל מה עצמו ראשיהם
¹⁸אספרם מחול ירבון הקיצתי ועודי עמך
¹⁹אם תקטל אלוה רשע ואנשי דמים סורו מני
²⁰אשר יאמרך למזמה נשא לשוא עריך
²¹הלוא משנאיך יהוה אשנא ובתקוממיך אתקוטט
²²תכלית שנאה שנאתים לאויבים היו לי
²³חקרני אל ודע לבבי בחנני ודע שרעפי
²⁴וראה אם דרך עצב בי ונחני בדרך עולם

הפרק 140

למנצח מזמור לדוד חלצני יהוה מאדם רע מאיש חמסים תנצרני:
²אשר חשבו רעות בלב כל יום יגורו מלחמות
³שננו לשונם כמו נחש חמת עכשבו תחת שפתימו סלה
⁴שמרני יהוה מידי רשע מאיש חמסים תנצרני אשר חשבו לדחות פעמי
⁵טמנו גאים פח לי וחבלים פרשו רשת ליד מעגל מקשים שתו לי סלה
⁶אמרתי ליהוה אלי אתה האזינה יהוה קול תחנוני
⁷יהוה אדני עז ישועתי סכתה לראשי ביום נשק
⁸אל תתן יהוה מאויי רשע זממו אל תפק ירומו סלה
⁹ראש מסבי עמל שפתימו יכסומו
¹⁰ימיטו עליהם גחלים באש יפלם במהמרות בל יקומו
¹¹איש לשון בל יכון בארץ איש חמס רע יצודנו למדחפת
¹²ידעת כי יעשה יהוה דין עני משפט אבינים
¹³אך צדיקים יודו לשמך ישבו ישרים את פניך

הפרק 141

מזמור לדוד יהוה קראתיך חושה לי האזינה קולי בקראי לך:
²תכון תפלתי קטרת לפניך משאת כפי מנחת ערב
³שיתת יהוה שמרה לפי נצרה על דל שפתי
⁴אל תט לבי לדבר רע להתעולל עללות ברשע את אישים פעלי און ובל אלחם במנעמיהם
⁵יהלמני צדיק חסד ויוכיחני שמן ראש אל יני ראשי כי עוד ותפלתי ברעותיהם
⁶נשמטו בידי סלע שפטיהם ושמעו אמרי כי נעמו
⁷כמו פלח ובקע בארץ נפזרו עצמינו לפי שאול
⁸כי אליך יהוה אדני עיני בכה חסיתי אל תער נפשי
⁹שמרני מידי פח יקשו לי ומקשות פעלי און
¹⁰יפלו במכמרי רשעים יחד אנכי עד אעבור

הפרק 142

משכיל לדוד בהיותו במערה תפלה קולי אל יהוה אזעק קולי אל יהוה אתחנן¹
²אשפך לפניו שיחי צרתי לפניו אגיד:
³בהתעטף עלי רוחי ואתה ידעת נתיבתי בארח זו אהלך טמנו פח לי!
⁴הביט ימין וראה ואין לי מכיר אבד מנוס ממני אין דורש לנפשי!
⁵זעקתי אליך יהוה אמרתי אתה מחסי חלקי בארץ החיים
⁶הקשיבה אל רנתי כי דלותי מאד הצילני מרדפי כי אמצו ממני:
⁷הוציאה ממסגר נפשי להודות את שמך בי יכתרו צדיקים כי תגמל עלי:

הפרק 143

מזמור לדוד יהוה שמע תפלתי האזינה אל תחנוני באמנתך ענני בצדקתך¹
²ואל תבוא במשפט את עבדך כי לא יצדק לפניך כל חי:
³כי רדף אויב נפשי דכא לארץ חיתי הושיבני במחשכים כמתי עולם
⁴ותתעטף עלי רוחי בתוכי ישתומם לבי:
⁵זכרתי ימים מקדם הגיתי בכל פעלך במעשה ידיך אשוחח
⁶פרשתי ידי אליך נפשי כארץ עיפה לך סלה
⁷מהר ענני יהוה כלתה רוחי אל תסתר פניך ממני ונמשלתי עם ירדי בור
⁸השמיעני בבקר חסדך כי בך בטחתי הודיעני דרך זו אלך כי אליך נשאתי נפשי:
⁹הצילני מאיבי יהוה אליך כסתי:
¹⁰למדני לעשות רצונך כי אתה אלוהי רוחך טובה תנחני בארץ מישור
¹¹למען שמך יהוה תחיני בצדקתך תוציא מצרה נפשי:
¹²ובחסדך תצמיט איבי והאבדת כל צררי נפשי כי אני עבדך:

הפרק 144

לדוד ברוך יהוה צורי המלמד ידי לקרב אצבעותי למלחמה¹
²חסדי ומצודתי משגבי ומפלטי לי מגני ובו חסיתי הרודד עמי תחתי:
³יהוה מה אדם ותדעוהו בן אנוש ותחשבהו
⁴אדם להבל דמה ימיו כצל עובר
⁵יהוה הט שמיך ותרד גע בהרים ויעשנו
⁶ברוק ברק ותפיצם שלח חציך ותהמם
⁷שלח ידיך ממרום פצני והצילני ממים רבים מיד בני נכר
⁸אשר פיהם דבר שוא וימינם ימין שקר
⁹אלהים שיר חדש אשירה לך בנבל עשור אזמרה לך
¹⁰הנותן תשועה למלכים הפוצה את דוד עבדו מחרב רעה
¹¹פצני והצילני מיד בני נכר אשר פיהם דבר שוא וימינם ימין שקר
¹²אשר בנינו כנטעים מגדלים בנעוריהם בנותינו כזוית מחטבות תבנית היכל
¹³מזוינו מלאים מפיקים מזן אל זן צאוננו מאלופות מרובות בחוצותינו
¹⁴אלופינו מסבלים אין פרץ ואין יוצאת ואין צוחה ברחבתינו
¹⁵אשרי העם שככה לו אשרי העם שיהוה אלהיו

הפרק 145

תהלה לדוד ארוממך אלוהי המלך ואברכה שמך לעולם ועד:¹
בכל יום אברכך ואהללה שמך לעולם ועד:²
גדול יהוה ומהלל מאד ולגדלתו אין חק:³
דור לדור ישבח מעשיך וגבורתיך יגידו:⁴
הדר כבוד הודך ודברי נפלאותיך אשיח:⁵
ועוזו נוראתיך יאמרו וגדולתיך אספרנה:⁶
זכר רב טובך יביעו וצדקתך ירננו:⁷
חנן ורחום יהוה ארך אפים וגדל חסד:⁸
טוב יהוה לכל ורחמיו על כל מעשיו:⁹
יודוך יהוה כל מעשיך וחסידך יברכוכה:¹⁰
כבוד מלכותך יאמרו וגבורתך ידברו:¹¹
להודיע לבני האדם גבורתי וכבוד הדר מלכותו:¹²
מלכותך מלכות כל עלמים וממשלתך בכל דור ודור:¹³
סומך יהוה לכל הנפלים וזוקף לכל הכפופים:¹⁴
עיני כל אליך ישברו ואתה נותן להם את אכלם בעתו:¹⁵
פותח את ידך ומשביע לכל חי רצון:¹⁶
צדיק יהוה בכל דרכיו וחסיד בכל מעשיו:¹⁷
קרוב יהוה לכל קראיו לכל אשר יקראהו באמת:¹⁸
רצון יראיו יעשה ואת שועתם ישמע ויושיעם:¹⁹
שומר יהוה את כל אהביו ואת כל הרשעים ישמיד:²⁰
תהלת יהוה ידבר פי ויברך כל בשר שם קדשו לעולם ועד:²¹

הפרק 146

הללו יה הללי נפשי את יהוה:¹
אהללה יהוה בחיי אזמרה לאלהי בעודי:²
אל תבטחו בנדיבים בבן אדם שאין לו תשועה:³
תצא רוחו ישב לאדמתו ביום ההוא אבדו עשתנתיו:⁴
אשרי שאל יעקב בעזרו שברו על יהוה אלהיו:⁵
עשה שמים וארץ את הים ואת כל אשר בם השמר אמת לעולם:⁶
עשה משפט לעשוקים נתן לחם לרעבים יהוה מתיר אסורים:⁷
יהוה פקח עורים יהוה זקף כפופים יהוה אהב צדיקים:⁸
יהוה שמר את גרים יתום ואלמנה יעודד ודרך רשעים יעות:⁹
ימלך יהוה לעולם אלהיך ציון לדר ודר הללו יה:¹⁰

הפרק 147

הללו יה כי טוב זמרה אלהינו כי נעים נאווה תהלח:¹
בונה ירושלם יהוה נדחי ישראל יכנס:²
הרפא לשבורי לב ומחבש לעצבותם:³
מונה מספר לכוכבים לכלם שמות יקרא:⁴
גדול אדונינו ורב כח לתבונתו אין מספר:⁵
מעודד ענוים יהוה משפיל רשעים עדי ארץ:⁶

⁷ענו ליהוה בתודה זמרו לאלהינו בכנוו:
⁸המכסה שמים בעבים המכין לארץ מטר המצמיח הרים חציה
⁹נותן לבהמה לחמה לבני ערב אשר יקראו
¹⁰לא בגבורת הסוס יחפץ לא בשוקי האיש ירצה
¹¹רוצה יהוה את יראיו את המיחלים לחסדו
¹²שבחי ירושלם את יהוה הללי אלהיך ציון
¹³כי חזק בריחי שעריך ברך בניך בקרבך
¹⁴השם גבולך שלום חלב חטים ישביעך
¹⁵השלח אמרתו ארץ עד מהרה ירוץ דברו
¹⁶הנתן שלג כצמר כפור כאפר יפזר
¹⁷משליך קרחו כפתים לפני קרתו מי יעמד
¹⁸ישלח דברו וימסם ישב רוחו יזלו מים
¹⁹מגיד דברו ליעקב חקיו ומשפטיו לישראל
²⁰לא עשה כן לכל גוי ומשפטים בל ידעום הללו יה

הפרק 148

הללו יה הללו את יהוה מן השמים הללוהו במרומים
²הללוהו כל מלאכיו הללוהו כל צבאו
³הללוהו שמש וירח הללוהו כל כוכבי אוו
⁴הללוהו שמי השמים והמים אשר מעל השמים
⁵יהללו את שם יהוה כי הוא צוה ונבראו
⁶ויעמידם לעד לעולם חק נתן ולא יעבור
⁷הללו את יהוה מן הארץ תנינים וכל תהמות
⁸אש וברד שלג וקיטור רוח סערה עשה דברו
⁹ההרים וכל גבעות עץ פרי וכל ארזים
¹⁰החיה וכל בהמה רמש וצפור כנף
¹¹מלכי ארץ וכל לאמים שרים וכל שפטי ארץ
¹²בחורים וגם בתולות זקנים עם נערים
¹³יהללו את שם יהוה כי נשגב שמו לבדו הודו על ארץ ושמים
¹⁴וירם קרן לעמו תהלה לכל חסידיו לבני ישראל עם קרבו הללו יה

הפרק 149

הללו יה שירו ליהוה שיר חדש תהלתו בקהל חסידים
²ישמח ישראל בעשיו בני ציון יגילו במלכם
³יהללו שמו במחול בתף וכנור יזמרו לו
⁴כי רוצה יהוה בעמו יפאר ענוים בישועה
⁵יעלזו חסידים בכבוד ירננו על משכבותם
⁶רוממות אל בגרונם וחרב פיפיות בידם
⁷לעשות נקמה בגוים תוכחת בל אמים
⁸לאסר מלכיהם בזקים ונכבדיהם בכבלי ברזל
⁹לעשות בהם משפט כתוב הדר הוא לכל חסידיו הללו יה

הפרק 150

הללו יה הללו אל בקדשו הללוהו ברקיע עזו

²הללוהו בגבורתיו הללוהו כרב גדלו

³הללוהו בתקע שופר הללוהו בנבל וכנור

⁴הללוהו בתף ומחול הללוהו במנים ועוגב

⁵הללוהו בצלצלי שמע הללוהו בצלצלי תרועה

⁶כל הנשמה תהלל יה הללו יה